

Hâmbâi tetewuap yakât den.

Yesu Kiristone yu ya teteningiwuap yakât topne sâmbâi teteop.

¹ Nâ Yeweri nanje, Yoane. Anjoânâk Yesune hon bawalipne 12 nen menenehop. Nâ yâk yengât kolân gâtne nâje pepa yu kulemgum katyîngian. Yakât topne yuwu.

Anitâhât biwi nângân nângânjan tatmap yapâ Yesu Kiristone den yu nângâmu bulâne otmu anelone âlâ hângângum yuwu sâmbâi ekuop. “Nâhât komot anjoân den yukât topne sâmbâi ekyongowan yamâ sâp yiwerene yu sâmbâi tetekjan tuhum yu ekgohowe. Ekgohomune pesuk sâmbâi yâkne nângânjetâ keterahâkgât gâ hângângohomune hânân ge sâmbâi tetem ekyongowat.” Yawu sâmbâi hângângumu gem nâhâlen den yu sâmbâi teteop. ² Sâmbâi teteop yakât topne yuwu tap. Yu me ya hâmbâi tetewuap yakât Anitâne sâmbâi kalop ya sâmbâi tetem yen Yesuhât komot galemne mansai yuwu sâmbâi ekyongomune nângânjet. ³ Sâp pato utâpguap. Yakât otmâ yene yen yu me ya tetewe sâmbâi oap yakât den yu sâmbâi Yesuhât komot sâmbâi tetem ekyongonomai. Otmu lohimbî nombotjanêâmâ den yu nângâm lâum mannomai yamâ Anitâne mâmbâje otyîngimu herone otmâ mannomai.

Yesu Kiristo yâkât topne

⁴⁻⁶ Nâmâ Yoane. Nâje Asia hânân Yesuhât komot kapi nombolân yâhâp ya yengât pepa yu kulemgum katyîngiwoman. Yakât yen sâmbâi

topņe nâņgânomai. O Bukulipne, yeņgât nâņgâm nâņe Anitâ yuwu sâm ulitguman.

“O Anitâ, gâ tatmâ gaon, tatmâ gat, yaņak tatmâ yâhâwuat. Otmu Wâtgât mâmâņahât Heak ya gâhâlen tatmap yaņe Asia hânân kapi nombolân yâhâp tatmâ arap ya ambolipņe mâmâņe otyiņgimu yeņgât biwiyeņe sânduk sâmu manņetgât nâņgâm mepaeheksan. Anitâ gike eņgatgeâk nange hâņgâņgurâ ge gâhât tem lâuhihim kinmâ topge sâm teteop. Sâm tetemu lohimbi nombotņe ekņetâ bâlemu kuņetâ muop. Otmu yaņak mumuņambâ yahatnomgât mâtâp aņgoân mem kusâņningiop. Mumuņambâ yahatmâ hânņe hânņe lok kutdâ topņe topņe mansai yeņgât kunyeņe tatmap. Yawu tatmap gârâmâ lohimbiņe yâkâlenâk biwiyeņe kepeim manmâ yâhânomai yanâmâ himbingât pat kuyiņgiop yakât bonņe ya menomai. Yawu.” Yawu sâm yeņgât nâņgâm Anitâ ulitguman.

Otmu Yesuhât topņeâmâ yuwu. Yâkņeâmâ nengât tepņe dondâ nâņgâningimap. Yawu nâņgâningim Anitâņe âi sâm waņop ya biwiņe kepeim manmâ nengât toсахât otmâ kawenenņan kinmu kuņetâ muop. Mum yahalop. Yakât otmâ biwinenņe yâkâlenâk kepeim manmunņe himbingât pat kuniņgiop. Yakât nâņgâm nen aņun ki otne. Anitâ tâņ tâņâk mepaem ulitgum manmâ yâhânehât Yesuņe mâtâp mem kusâņningiop. Otmu Yesuņe mâmâņe otniņgimu Anitâhât tem lâum âiņe tuhum yâhânehât mâtâp ya gurâ yawuâk mem teteniņgiop. Yâhâmâ Laņiņe otmu Wâtgât Amboņe. Yakât otmâ mepaem manmâ yâhâmbisâin.

⁷ Bukulipne, yuwu sâmunne nângâjet. Yesuņe elem kulewoņboņ kakņambâ âwurem gewuap. Gemu yan lohimbi nombotņane kasa otbaņgim mem tuhuwiņe ekmâ isem matņe yingiwuapgât tep bâle nângânomai. Otmu lohimbi nombotņane yâk yeņgâlen torokatmâ yâkât kasa manmai ya gurâ yawuâk isem tep bâle nângânomai. Ya bonņanâk.

⁸ Anitâ Ambonenņe yâhâmâ emelâk embâņân hân himbim ki kândikyotgop yapâek tatmâ gaop. Otmu torokatmâ tatmâ yâhâwuap yakât kakņan tatatņe pesuk sâwuapgât dop âlâ ki tap. Yakât otmâ yâhâmâ wâtņe pato nandoroņe tatbaņgiap. Otmu Anitâņe yuwu sâop. “Nâņe sâmunne hân himbim âliwahap topņe topņe ki tete teteņambâ teteheop. Otmu yâhâpņe sâmunne biatbuapgât dop gurâ tatnihiap.” Yawu sâop.

Wâtgât mâmâņahât Heakņe Yoanehât biwiņe mem purik pilâmu ehop.

⁹ Bukulipne, yenâmâ Asia hânân Yesuhât komot mansai. Yeņe Yesuhât den pat âlepņe sâm lohimbi ekyongonetâ, lok nombotņane nângâjetâ ki ârândâņ otmu, mem ge katyekne sâm mem bâleyekmai. Otmu nâ gurâ yawuâk mem bâlenekmai. Yawu otninginetâ nenņe ki lohotņe otmâ kinmain. Yawu otmâ sâp ârândâņâk Yesuhât lau lâum kinmâ hoņ bawaņgim gamain. Otmu nâņe Yesuhât den pat ya lohimbi ekyongomune yawuâk lok nombotņane gurâ nângâjetâ bâlemu nâ menekmâ mâtuņa âlâ, kutņe Patimo sâm, yan katnekņetâ mansan. ¹⁰ Manmunne Sande âlâen Anitâņe ikņe Wâtgât mâmâņahât Heak hâņgângumu ge biwine mem purik pilâop. Yawu otmu den

kârikņe isemu nâņgâwan. Yâhâ den nâņgâwan yamâ lâmun kunmain yakât dopņe bia, ya wangim isemu nâņgâwan. Otmu yuwu sâm eknohop. ¹¹ “Yoane yu me ya senņan yiwerenņe tetemu eksat. Yawu gârâmâ gâņe pepa mem kulemgum katdâ Asia hânân kapi tipi tapi nombolân yâhâp tai ya yengât dopyenņan arimu sâlikum nâņgânomai. Kapi yamâ kutyenņe, Simirina, Epeso, Peahamon, Tiatira, Sariti, Pilarepia, Laorika yawu. Pepa yu yengât kulemgum katdâ arimu ekmâ sâlikum nâņgânomai.” Yawu sâm eknohop.

¹² “Den yu âlâņe eknohoap” yawu sâm enņatne kakņambâ olelem lambe nombolân yâhâp goliņak tuhuwi yan sem kinmu ekban. ¹³ Otmu ya yengât hohetyenņan lokbân kundenņe yawuya kinmu ekban. Otmu sâņgum kaok âlâ hârândâņâk mânunakmâ kinop. Yâhâ enņatņanâmâ kâiput kâlep goliņak tuhuwi ya âmbâkum kinmu ekban. ¹⁴ Yâhâ somotņe yamâ iwit iwit pato elembân kaok ekmain yawuya. Yâhâ senņe yamâ kâlâp nimbilamņe yawuya. ¹⁵ Yâhâ kâiņe yamâ kât sem hiņ hurundunņ sâmâp dop yawuya. Yâhâ denņe munņeâmâ to tâlâm pato yerâm kinmu munņe nâņgâmain yawuya. ¹⁶ Otmu pitu nombolân yâhâp ya bânņe bonângen mem kinop. Otmu lauņambâmâ tewet konohâk yamâ sâtņe nombot nombot nelanņ nelanņ ya ge kinop. Yâhâ kun kundenņe yamâ sikop hâumu irik irik sâmâp dop yawuyaņe laņinņe pilâop.

¹⁷ Yawu tetem kinmu ekmâ kiņgitnahât otmâ kâiņe topņan ba pare pare otmâ mum yawu iwan. Yawu imune lok yaņe bânņe bonângen mem kat-

nekmâ yuwu sâm eknohop. “Kâmbuk, kinġitgahât ki ot. Hâlihâk kindâ topne sâm tetem ekgohowe. ¹⁸ Anġoân embânân Anitâne hân himbim ki kândikyotkop yapâek tatmâ gawan. Otmu lok otmune yaġakbenne nohoġetâ muwan. Otmu mu-muġambâ yahatmâ tan. Otmu tatmâ yâhâmbisân. Nâmâ manman kârikne amboġe. Yakât otmâ yâhâpne mumbomġat dop âlâ ki tap. Manman kârikne manmâ yâhâwom. Yawu ġârâmâ lohimbitorokatmâ manġet me hiliwahoġet yakât nâne konok sâmune pesuk sâwuap. Otmu lohimbim nombotne mum hemġat pat oai yâk holanġeykbom me hemân hâpunyebomġat dop ya ġurâ yawuâk. Yamâ nâhât wahap. Topne yawu.

¹⁹ Otmu nâne sâp yiwerenġahât me hâmbâihât tetewuap yakât topne kerek sâm tetewe. Sâm tetemune kulemgum metemâmâ pepa yu kapi nombotne yu tete tatmâ arai ya yenġâlen kerehâk katdâ arimu ekmâ nâġġâġet. ²⁰ Otmu bâte bonânġen pitu nombolân yâhâp meyekmune yeksat yakât topne yuwu sâm tetemune nâġġâ. Pitu nombolân yâhâp yamâ kapi nombolân yâhâp ambolipġane nâhât komot mansai ya yenġât anġelo umutyenânâk âlâku konok konok. Otmu lambe nombolân yâhâp ġoliġak tuhum katġetâ sem tap yamâ nâhât komot kapi nombolân yâhâp ya.” Yawu sâop.

2

Epeso kapi ambolipne yâk yenġât sâm kalop.

¹ Yesuġe yuwu sâm tetem eknohop. “Yoane, ġâne Epeso kapi ambolipne yenġât yuwu kulemgum katyġġirâ ariâk. Nâ Yesu. Bâte bongen pitu

nombolân yâhâp mem kinsan. Otmu lambe nombolân yâhâp golinak tuhûm katjetâ sem tatmap ya yengât hohetyeņan galem kinmâ bam gaman. ² Nâ yengât manmanyeņe ya kerehâk nâņgâmune âlepņe nanņe oap. Lok bâleņe, lok perâkņe yengâlen taka yuwu sâm kâityongowi. “Yesuņe âi sâm ningiop ya tuhûm mansain.” Yawu sâm yen kâityongom yengâlân torokatne sâm takawi. Yawu sâm takaņetâ yapâ gâtņeņe umatņe topņe topņe teteyiņgiop. Yakât yeņe yâk yengât topyeņe ekņetâ ki ârândâņ olop yakât otmâmâ watyekbi. Ya nâņgâmune âlepņe nanņe oap. ³ Otmu yenâmâ lok bâleņe yaņe yengâlen torokatne sâm otņetâ yanâmâ yeņe nâhât tem lâum sâtgum manmâ gawi. Otmu nâhât den nâņgâm ki hâkâņ otbi. Yakât nâņgâmune âlepņe oap.

⁴ Yawu gârâmâ den âlâ yuwu sâmune nâņgâņet. Biwiyenân tap ya ekmâ nâņgâmune ki ârândâņ oap. Angoân embâņân Anitâhât den pat âlepņe nâņgâm yanâmâ nâhâlen biwi nâņgân nâņgânyeņe kepeim manbi. Yâhâ sâp yiwereņeâmâ biwi yeņeņe pâlâmņe otmâ mansai. ⁵ Yâhâ angoânâmâ biwiyeņe nâhâlen katmâ denne lâum manbi ya yawuâk torokatmâ manņetgât naņgan. Yawu gârâmâ yeņe denne ki lâum mannomai yanâmâ sâmune yengât hohetyeņambâ lambe laņinņe hindakmâ yengâlen omoņ sahakbuap.

⁶ Otmu nâņgân nâņgân âlâ nâņgâm gawi ya nâņgâmune âlepņe oap. Komot âlâ, kutyeņe Nikolao sâm, yâkņeâmâ yuwu sâmai. “Âlepņe, orotmeme ihilâk mahilâk otmunņe Anitâņe nenekmu ârândâņ otmap. Yakât denņe bia.” Yawu sâmai.

Yamâ yengâlen takamâmâ yawu otjetgât sâmbê kendâyîngîjetâ yeñe hâkâñ otmâ watyekbi. Nâ gurâ yawuâk yâk yengât nângâm hâkâñ otmâ manman. Yawu gârâmâ yeñe yâk yawu otyîngiwi yakât nângâmune ârândân oap.

⁷ Yengât hohetyenjan gâtñe âlâ me âlânje lohotñe ki otmâ nâhât den lâum manmai. Yakât otmâmâ munomai sâp yanâmâ âlepñe nânje sâmbê Anitâhât kalamân manmangât nak âlâ kinsap yakât kehetñe nemâmâ yañe tânyongomu manman kârikñan yan torokatmâ manmâ yâhânomai. Otmu Epeso kapi ambolipñe yen Anitâhât Wâtgât mâmâñahât Heakñe den sâmbê tetem eknohop yu ekyongoan. Yakât yen nângâm henjenjum manmâ yâhânomai.” Yakât yawu sâop.

Simirina kapi ambolipñe yâk yengât sâmbê kalop.

⁸ Otmu Yesuñe ikñe komot Simirina kapi ambolipñe mansai yâk yengât yuwu sâmbê eknohop. “Lohimbiñe Simirina kapiân manmâ biwi nângân nângânjeñe nâhâlen katmâ mansai yamâ gâñe den yuwu kulemgum katyîngirâ ariâk. Nâmâ Yesu. Anjoân embânân Anitânje hân himbim ki kândikyotkop yapâek tatmâ gawan. Otmu yawuâk tatmâ yâhâwom. Otmu mumune yan hân kâlehen katnekbi. Nânje yapâ yahatmâ tanñe yuwu sâmbê tetemune nângânjet. ⁹ Yengât kasalipyeñeñe yen mem bâleyekmâ kombo meyiñjetâ hâhiwin kakñan manmâ âlâlâhât pâin guin otmâ gai. Ya nanjan. Otmu nânje mâmânje otyîngimune nâhâlen biwi nângân nângânjeñe kepeim manmâ ganjetâ yakât nânje matñe âilonjo yîngiwomgât emelâk ya sâmbê katban. Otmu Yura

lok nombotŋaŋe yeŋgât sâŋ bâleyiŋgiwi. Ya gurâ topŋe nanŋan. Yawu gârâmâ yâkŋe Anitâhât pat bulâŋe ki mansai. Yâhâmâ lok bâleŋahât pat oai. ¹⁰ Otmu umatŋe âlâlâ yuwu yawu teteyiŋgiwuap yakât kiŋgityeŋahât ki otnomai. Yakât topŋe yuwu sâŋmune nâŋgâŋet. Satangâlen torokatmâ manmâ bâleŋahât pat mansaiŋe yen biwiyenahât topŋe ya nâŋgâne sâŋ mem âlâlâ tuhuyeknomai. Otmu mumuhât pat kuyiŋgim nombotŋe mem pâi emetŋan katyeknomai. Yawu otyiŋgiŋetâmâ yeŋe kârihem kinŋetâ yanâmâ nombotŋaŋeâmâ munomai. Otmu nombotŋe âlâŋeâmâ hâhiwin nâŋgâm sâtŋum mannomai. Yawu otmâ manŋetâ yakât kakŋanâmâ hilâm bâlâk ŋerek otmu yanâmâ pesuk sâyiŋgiwuap. Yâhâ yakât kakŋan yenâmâ hâk sânduhân manmâ yâhânomai. Otmu munomaiŋe mumuŋambâ yahatŋetâ yen kerehâk manman kârikŋan torokatmâ manmâ yâhânomai. ¹¹ Simirina kapi ambolipŋe yen Anitâhât Wâtŋât mâmâŋahât Heakŋe den sâŋ tetem eknohop yu ekyongoan. Yakât yen yukât topŋe nâŋgâm heŋgeŋgunomai. Nâŋgâm heŋgeŋgum nâhâlenâk biwiyenŋe kepeim manmâ yâhâm yâhâŋe munomaihât dop âlâ ki otbuap.” Yakât yawu sâop.

Peahamon kapi ambolipŋe yâk yeŋgât sâŋ kalop.

¹² Otmu Yesuŋe ikŋe komot Peahamon kapiân mansai yâk yeŋgât yuwu sâŋ eknohop. “Lohimbi nombotŋe Peahamon kapiân manmâ biwiyenê nâhâlen katmâ mansai ya yeŋgât den yuwu kulemgum katyiŋgirâ ariâk. Nâ Yesu. Tewet sâtŋe nombot nombot nelan nelan yakât amboŋe nâ.

Nâñe yuwu sâmunne nâñgâñet. ¹³ Kapi ambolipñe yengât manmanyenahât topñe ya nâ nanñan. Kapi yanâmâ lok sesengâlâkñe Satangâlen torokatmâ orotmeme bâleñe topñe topñe otmâ mansai. Yawu otmâ nâhât komolân gâtñe âlâ, kutñe Antipatoro, yâkñeâmâ nâhât tem lâum manmâ yâk yengâlen lohotñe ki otmâ manop. Ya kuñetâ muop. Kuñetâ muop yakât yen kinñityenahât ki otbi. Yawu otmâ kârihem kinmâ nâhât tem lâum manmâ gai. Ya nâñgâmune ârândâñ oap. ¹⁴ Yawu gârâmâ yengâlen gâtñe nombotñe orotmeme âlâ yuwu otmai yamâ nâñgâmune bâleap. Yengâlebâ nombotñe lok âlâ, kutñe Bileam sâñ, yâkât orotmeme bâleñe ya watbi. Bileamñe angoân lok âlâ, kutñe Balak sâñ, ya ekumu Isirae lohimbiñe kasalipyene yengât Porom Lâpiohât hotom uminiwi yapâ mem neñet sâñ ekyongop. Yawu otmâ torokatmâ kâwâ konda otñetgât kendâyinñiop. Yawu olop yakât Bileamñe tosa pato miop. Otmuâmâ yengâlen gâtñe nombotñe orotmeme yawuâk torokatmâ otñetgât sâñ kendâyinñim mansai. Ya nâñgâmune dondâ bâleap. ¹⁵ Otmu yengâlen gâtñe nombotñe Nikolao yengâlen torokatmâ ihilâk mahilâk otmâ mansai. Yakât nâñgâmune yawuâk dondâ bâleap. Yakât otmâ ekyongonñetâ biwi nâñgân nâñgânyene nâhâlenâk katñetâ kinâkgât sâñ ekyongoan. ¹⁶ Otmu den sâñ tetean yukât nâñgâñetâ gemu bet pilâmâmâ nâhâlen yâhâpñe taka ki torokatnomai. Yawu otnomai yamâ nâñe taka kuk otyinñiwom. Yawu otmâ launan tewet sâtñe nombot nombot nelanñ nelanñ yanñe nem hilipyongowuap.

¹⁷ Yamâ yengâlen gâtñe nombotñe yâk

yengâlen lohotnje ki otmâ mannomai yâhâmâ mem lâtâpyongom manman kâriknje yakât sot yingimune nem mannomai. Otmu langatyekmâ âlâku iknje kutnje kândâk kândâk kulemgum iri tete osom katyinjigiwom. Kut ya lok âlâ me âlânje ekmâ nângânomaihât dop ki tap. Âlâku iknje amboŋan amboŋan ekmâ nanŋaninomai.

Peahamon kapi ambolipnje yen Anitâhât Wâtgât mâmâŋahât Heaknje den sâm tetem eknohop yu ekyongoan yakât mâmâŋe otyingimu den yukât topnje nângâm heŋgenŋunomai. Yakât otmâ yu kulemguwe sâm oan. Yesunje Peahamon ya yengât yawu sâm eknohomu kulemguan.

Tiatira kapi ambolipnje yâk yengât sâm kalop.

¹⁸ Otmu Yesunje iknje komot Tiatira kapiân mansai yâk yengât yuwu sâm eknohop. “Yoane gâ Tiatira yengât ekap yuwu kulemgum katyinjirâ ariâk. Nâ Yesu, Anitâhât nanje. Otmu nâmâ senneâmâ kâlâp kokotnje laŋ laŋ sâmâp yawuya. Yakât otmâmâ nâmâ yohân ekman. Otmu kâineâmâ kâlâp milu umunje kâtje sem hiŋ hurundun sâmâp yawuya. Yakât otmâ kasalipne tâlim hilipyongowom. Topne yawu.

¹⁹ Otmu yengât manmanyenjahât topje ya nâ nanŋan. Otmu orotmemeyenje ya gurâ nângâm metean. Yeŋe nâhâlen biwiyenŋe kepeiwi ya yawuâk torokatmâ manmâ gai. Otmu biwiyenje hikuakmâ buku oraŋim mansai. Yâhâ lohimbî nombotnje senje âlâhât pâinmâ mansai yâk tânyongoai. Otmu lohimbî belângen mansaiŋe mem bâleyekŋetâ yengu yawuâk ki lohotnje oai. Emelâk orotmemeyenje âlepje otbiâke yamâ

yiwerenje oai yuñeâmâ kândikum gâtje ya tâtâem wangim oai yakât nângâm biwine herenje oap.

20 Yawu gârâmâ benje yengât orotmeme konohâk otjetâ ki ârândânj otmap. Imbi bâlene âlâje yengât hohetyenjan kinmâ den perâkne kâsikum yingimap ya ki watjetâ ariap. Yâkne yuwu sâmap. “Nâ Anitâhât poropete imbi. Yâkât lau lâum denje sâm tetean.” Yawu sâmap. Yamâ den memap. Emelâk imbi yawuya âlâ, kutje Yesewe sâm, yâk ihilâk mahilâk otmâ manmâ Anitâhât komot, Isirae lohimbi, mem dâiyekmâ imbilipyene yekmâ ihilâk otjetgât sâm ekyongominiop. Yawu sâm ekyongop yañe dondâ bâleop. Yâhâ sâp yiwerenje yuâmâ imbi âlâ ya hohetyenjan taka mansapne Yesewe olop yawuâk otjetgât haonmâ kendâyingiap. Otmu yâhâmâ kasalipyene yengât Porom Lâpio yakât hotom umai yapâ mem nejet sâm ekyongomap. Ya nângâmune dondâ bâleap.

21 Yakât yuwu sâmune nângâñet. Imbi yañe biwi nângân nângânje nâhâlen kalâkgât mambotmâ manmâ gan. Yawu otmune ya hâkânj otmâ kârikne dondâ oap. Kârikne otmâ manmâ orotmemeñe kinjon yamâ ki sâm tetem betbangimap.

22 Yakât otmâmâ kundat umatje dondâ tetewangimu yan nâñe ya sâm wangmune hâhiwin nângâm yâhâwuap. Otmu lohimbi nombotne yâkâlen torokatbiñe tosayene ya ki sâm tetem biwi nângân nângânyene nâhâlen katmâ mansai yakât matje umatje dondâ yingimune mem sâtgum mannomai.

23 Otmu lohimbi nombotñane imbi bâlene yâkât komolân torokatmâ otbi mewi ya ekjetâ ârândânj olop yamâ nâñe matje yingimune mem hiliwahonomai. Yawu

otyĩngimuneâmâ nâhât komot hânñan kulemñan mansaiñe ekmâ topñe yuwu nânğânomai. “E, Yesuñeâmâ orotmemenenñe me biwinenñan girawu tap yakât topñe ekmâ nânğâm ba takamap. Otmu yu me ya otmain yakât matñe ya tâñ tâñâk ningiwuap.” Yawu sâmmâmâ orotmeme âlepñeâk otmâ mannomai.

²⁴ Otmu yen nombotñañe imbi yukât orotmeme kinğonñan yan torokatmâ ki otmai. Otmu yâkât komolipñañe Satangât topñe sâmm kusânmmâ ekyongomunñe nânğânñet sâmm otñetâmâ yan yeñe betyĩngim mansai. Yakât nânğâmune ârândânñan oap. Yakât umatñe âlâ ki teteyĩngiâkgât nañan. Otmu yenâmâ yuwu sâmm ekyongomune nânğânñet. ²⁵ Anğoânâk nâhât tem lâum torokatmâ manbi. Yawuâk otmâ torokatmâ manmmâ gai. Yawu gârâmmâ yâhâpñe yawuâk torokatmâ manmmâ yâhânñetâ nânñe taka matñe âilonğo yĩngimune menomai yakât yuwu sâmmune nânğânñet. ²⁶⁻²⁷ Anitânñe âi sâmm nihim hânğânnohomu gewan. Gemâmâ wâtñan kinmmâ tem lâuwangim gawan. Otmu yakât dopñeâk yenâmâ âi sâmm yĩngimune nâhât wâtñan kinmmâ yâhânomai. Otmu sâp pato tâlâhumu yanâmâ nânñe mâmmânñe otyĩngimune kasalipnenñe kunyeñe kârikñe otmâ mannomai ya yongom itit kiom tuhuyeknomai. ²⁸ Yawu otyĩngiñetâmâ pesuk sâmwuap. Otmu sâp patoen yen orowâk heronñan maronñan otmâ manmmâ yâhânom. ²⁹ Yakât otmâ Tiatira kapi ambolipñe yen Anitâhât Wâtğât mâmmânñahât Heakñe den sâmm tetem eknohop yu ekyongoan. Yakât otmâ mâmmânñe otyĩngimu den yukât topñe nânğâm biwiyeñan katmmâ mannomai.” Yawu sâop. Yesuñe

Tiatira kapi ambolipņe yeņgât den yu sâm tetem eknohomu kulemgum katyiņgian.

3

Sariti kapi ambolipņe yâk yeņgât sâm kalop.

¹ Otmu Yesuņe ikņe komot Sariti kapiân man-sai ya yeņgât yuwu sâm eknohop. “Yoane, gâ den yuwu sâmunе kulemgum katyiņgirâ Sariti ambolipņaņe sâlikum nâņgâm heņgeņgunomai. Nâ Yesu. Anitâhât Wâtgât mâmâņahât Heakņe mâmâņe otnihimu pitu nombolân yâhâp meyekmâ kinman.

Nâņe yeņgât manmanyeņe ekmune ki ârândâņ otmap. Yeņe topyeņe kurihiakmâ lok sensenân orotmeme âlepņeâk otmâ gai. Yakât otmâ lohimbî dondâņe yekmâ topyeņe yuwu nâņgâm tâpikguai. “Main, lohimbî yuņeâmâ biwi nâņgân nâņgânyeņe ya galemai. Otmu yâkņe yakât pâlâmņe ki oai.” Yawu sâmai. Yawu sâmai yamâ pâpgum topņe ki nâņgâm sâmai. Nâņeâmâ biwiyeņe ekmâ “bi-wiyeņe mumuņe,” yawu naņgan. ²⁻³ Yenâmâ bi-wiyeņe pârâk pilâm ekņet. Awoņne Anitâņe yeņgât manmanyeņe ya ekmu ki ârândâņ otmap. Otmu nâku yawuâk ekmune ki ârândâņ otmap. Manman aņgoânâk manbi yaņeâmâ himbimgât pat kuyiņgiop ya biatbe sâm oap. Yen ya biatyiņgimâp sâm emelâk aņgoânâk miti nâņgâm yan biwiyeņe nâhâlen katmâ orotmeme âlepņe otmâ manbi ya yawuâk torokatmâ manņet. Yawu manmâ orotmemeyeņe bâleņe ya bet pilâm biwi golâek manmâ yâhâpņe biwi nâņgân nâņgânyeņe nâhâlen kepeim manņetgât naņgan. Yâhâ ki otnomai yamâ benņe

kasalipyeŋaŋe inâk pârâk sânsânâk taka itit kiom tuhuyiŋimai yakât dopŋeâk nâŋe yeŋgâlen pârâk sân sânak takawom. Sâp yan takawom yakât yeŋe ki nanŋai.

⁴ Yawu gârâmâ yeŋgâlen gâtŋe sambe bia, getek âlâ yaŋe tipŋe âlepŋe oai. Yâhâ yen salek salehâk tosa barak mansai yamâ yongonmune nâhâlen torokatŋetâ sâŋum kaok bolan bolan âlâku ikŋe kândâk kândâk yŋimune hanŋalakŋetâ nine orop tatmâ yâhânom. ⁵ Yawu otmâ tosa barak manŋetâmâ nâŋe yeŋgât nâŋgâm nâhât komolân gâtŋe salek salek yawu sâwom. Otmu emelâk manman kârikŋahât pat kuyiŋim pepa âlâ mem kutyene kulemguwan. Yamâ kutyene yâhâpŋe ki hârewom. Nâŋeâmâ awoŋne otmu aŋelolipne yâk yeŋgât senyeŋan kinmâ yeŋgât kutyene yongonmune nâhâlen torokatŋetâ orowâk tatmâ yâhâmbisâin. ⁶ Otmu Sariti kapi ambolipŋe yen Anitâhât Wâtgât mâmâŋahât Heakŋe den sâm tetem eknohop yu ekyongoan. Yakât mâmâŋe otyiŋimu nâŋgâm heŋgeŋgunomai.” Yesuŋe yawu sâop.

Pilarepia kapi ambolipŋe yâk yeŋgât sâm kalop.

⁷ Otmu Yesuŋe den âlâ yuwu sâm eknohop. “Nâhât komot Pilarepia kapiân mansai ya yeŋgât ekap yuwu kulemgum katyiŋgirâ ariâk. Nâmâ Yesu. Orotmemene âlepŋe nanŋe mem koko salehâk manmâ gaman. Yu me ya otmune bonŋeâk tetemap. Anitâŋe aŋgoânâk yuwu sâm âi nihiop. “Isirae yeŋgât lok kutdâyeŋe, kutŋe Dawiti sâm, yâkât kawenŋan kinbuat. Yan kinmâ manman kârikŋahât gahatŋe ya mem hindâwuat. Mem

hindârâ an sâmu yakât kakņan lok âlâ me âlâņe ya mem maņgunomaihât dop ki otbuap. Yâhâ gahatņe ya mem maņguwuat yamâ lok âlâ me âlâņe mem hindânomaihât dop gurâ ki otbuap.” Yawu sâmu âi nihiop. Yawu gârâmâ gahatņe yakât amboņe yamâ nâ konok. ⁸ Otmu yakât yuwu sâmune nâņgâņet. Manmanyeņe ya ekmune ârândâņ oap. Yeņe biwi golâek manmâ nâhât tem lâum manmâ gai. Otmu nâhât kutne ki kurihim hâkâņ otbi. Yakât nâņgâmmune âlepņe oap. Otmu yeņe nâhât den pat âlepņe sâmu tetem ekyongonętgât emelâk nâņe gahatņe ya mem hindâmune kinsap ya naņgai. Otmu kasalipyeņe âlâ me âlâņe ya maņgunomaihât dop âlâ ki tap.

⁹ Yuwu sâmune nâņgâņet. Yura lok nombotņe nâhât hâkâņ otmâ manmâ yeņgâlen taka yuwu sâmai. “Nenâmâ Isirae lohimbi tâņ tâņ man-sain. Yakât otmâ nenâmâ Anitâhât pat otmâ man-sain,” yawu sâmai. Yawu sâmai yan yeņgât hâkâņ otmâ sâmu mem ge katyeksai. Yawu otyiņgiņetâ nâņgâmmune bâleap. Yakât otmâmâ yuwu sâmu hâreyiņgian. “Lok perâkņe, amboyeņe yamâ Satan,” nâņeâmâ yawu sâmu hâreyiņgian. Yakât otmâ nâņe mem dâiyekmâ yeņgât amutyenān katyekmune mannomai. Yanâmâ yeņgât yuwu sânomai. “Bâe, Yesuņe lohimbi yu yeņgât tepņe nâņgâmu âlepņe nanņe oap yakât nen mem ge katneneksai.” Yawu sânomai.

¹⁰ Otmu lohimbiņe hânņan kulemņan manmai yeņgât topyeņe teteâkgât nâņe sâmune umatņe topņe topņe teteyiņgiwuap. Yâhâ yeņgâlenâmâ ki tetewuap. Sâp yanâmâ nâņe tihityeņe otmune yeņe kârikņe otmâ mannomai. ¹¹⁻¹² Yâhâ

yenâmâ emelâk Anitâñe manman kârikñahât pat kuyiñgiop ya biatyinçimapgât nânçâm biwiyençe galemahom mannomai. Yawu otmâ mannomai yan kasalipyençe mem ge katyekñetâ kârikñe otmâ mannomai. Yawu manñetâ nânçe kâlep ki otmuâk takawom yanâmâ yen meyekmâ Anitâhât miti emetñe himbimân tap yakât saran kârikñe sâm kânânçâyekbom. Kânânçâyekmune ki putuk sâm ge kunomai. Manman kârikñahât pat yukât bulânçe yinçimune menomai yan Awoñnahât kapi pato, kutñe Yerusalem kapi âiñe sâm, himbimân tap ya gewuap. Gemu ya ambokunomai. Yakât patñe yawuâk kuyiñgiop. Otmu nâ ninahât pat Anitâñe emelâk kunihiop. Yawu gârâmâ yawuâk nâhâlen torokatmâ ya mem ambokunomai.

¹³ Pilarepia kapi ambolipñe yen Anitâhât Wâtçât mâmânahât Heakñe den sâm tetem eknohop yu ekyongoan. Yakât yâkñe mâmânçe otyinçimu den yukât topñe nânçâm hençençunomai.” Yesuñe yawu sâm teteop.

Laorika kapi ambolipñe yâk yençât sâm kalop.

¹⁴ Yesuñe torokatmâ yuwu sâm eknohop. “Yoane, nâhât komot Laorika kapiân mansai ya yençât ekap yuwu kulemgum katyiñçirâ ariâk. Nâ Yesu. Ançoân embânân Anitâñe hân himbim ki kândikyotgop yapâek nânçe tatmâ gawan. Otmu nâ Anitâ orop topnetñe konohâk otmu yapâ çâtñe Anitâñe âi sâm nihiop. Âi sâm nihimu nânçe yâkâlen kândiwahom hân himbim pitu âlâlâ topñe topñe katban. Otmu lohimbine Anitâhât topñe nânçânçetâ hañ sâyinçiâkgât den bulânçe ekyongom manban. ¹⁵ Nânçe yençât biwiyençe

ekmune ki ârândân otmap. Yenâmâ pâlâmne manmai. Yakât otmâ nâne yengât ukenne ki nângâyîngian. Otmu nâsin gurâ ki nângâyîngian. Yakât topne nângânetâ keterahâkgât yuwu sâmune nângânet. Sot nemunne pâlâmne otmu âkâm pilâmain yakât dopneâk yen nine komolâmbâ yekmune pâlâmne otmu watyebom.

¹⁶⁻¹⁷ Otmu yengât topyene teteâkgât torokatmâ sâwe. Yejeâmâ yuwu sâmai. “Nenâmâ Anitâne nângâningimu ârândânâk oap yakât iri sikum me senje âlâlâ ya dondâ tatningiap. Hop sambe kakjan mansain.” Yawu sâmai. Yamâ den memai. Yeje topyene ya nângâne sâm hâum pâpguai. Yenâmâ kopa. Otmu nângânetâ ki keterakmap. Otmu topne ekmâ nângâne sâm yakât pâinmâ hâum pâpgumai. Otmu âlâlâ yakât gurâ pâlâmne mansai. Yawu nanjan.
¹⁸ Yawu gârâmâ yu otjet sâm ekyongomune torokatmâ otmâ manjetâ ârândân otbuap. Yiwerene yuâmâ senyene bok sâmu âlâlâ yakât ekmâ topne ki nanjai. Yâhâ gâmâlâhâmâ nâne sâmune senyene hâreakmu âlâlâ ya ekmâ topne nângânomai yakât dop tatnihiap. Otmu nâhâlen torokatmâ salek salehâk mannomaihât nâhâlen mâtâp tap. Yawu gârâmâ orotmemeyene bâlene ya pilâm nâhâlen gamâmâ nâhât manmanne ya mem hanjalakmâ salek salehâk manmâ yâhânomai. Yawu otmâ manjetâ lohimbî nombotnane yekmâ yengât nângânetâ yahatmu yakât ki anulaknomai. ¹⁹ Otmu lohimbîne nâhâlen torokatmâ mansai yane nine orop biwinenne kepeiakmâ konok otmu mansai. Otmu yawuâk torokatmâ mannehât nângâm nâhât komolân

gâtŋe âlâ me âlâŋe otmâ tâpikgune sâm otŋetâmâ nâŋe biwi nâŋgân nâŋgânyeŋe mem kusân yinŋiman. Mem kusânyinŋimune ekmâ nâŋgâm heŋgeŋgum manman âlepŋan manmai. Otmu yeŋe kunyeŋe kârikŋe otmâ hiliwahomaihât sâmune umatŋe âlâlâ teteyinŋiwuap. Otmu yeŋgâlen takamune umatŋe yawuya teteyinŋimapgât yeŋe orotmemeyeŋe bâleŋe ya bet pilâm orotmeme âlepŋeâk otmâ manmâ yâhânomai.

²⁰ Nâŋe yeŋgât emet hawiŋan kinmâ den sâmune enŋatne munŋe nanŋai. Yawu gârâmâ lohimbi âlâ me âlâŋe nâhât den towatŋe nâŋgâm yahatmâ launan membuap yâhâmâ nâ orop biwi konohâk otmâ lau konok nem manmâ yâhânom. ²¹ Otmu nâŋe himbimâmbâ ge Awonaŋe âi sâm nihiop ya tuhum pesuk pilâmune ârândâŋ oap. Yakât dopŋeâk yeŋe gurâ nâhât den nâŋgâm lâum manŋetâ ârândâŋ otbuap otmuâmâ nâŋe sâmune nâhâlen torokatŋetâ orowâk Awoŋne hâlâŋmâ tatmâ yâhânom. ²² Laorika kapi ambolipŋe yen Anitâhât Wâtgât mâmâŋahât Heakŋe den sâm tetem eknohop yu ekyongoan. Yakât otmâ yâkŋe mâmâŋe otyinŋimu den yukât topŋe nâŋgâm heŋgeŋgunomai.” Yesuŋe yawu sâm teteop.

4

Himbimgât gahatŋe hindakmâ aŋ sâm kinmu Anitâhât kaweŋe ehop.

¹ Otmu ya biatmu himbimân gahatŋe âlâ hindakmâ aŋ sâm kinmu ekban. Otmu den me mun pato âlâ emelâk nâŋgâwan ya yawuâk yâhâpŋe tetemu nâŋgâwan. Yamâ yuwu sâm eknohop. “Yu

me ya hâmbâi tetewuap yakât Anitâŋe sâŋ kalop. Garâ yu tiripgohomune ek.” Yawu sâop.

² Yawu sâmu yanâk Anitâhât Wâtgât mâmâŋahât Heakŋe biwine mem purik pilâmu yanâk yâhâ tatmâmâ âlâ yuwu ekban. Anitâŋe kawê talop yan laŋinŋe pato siliŋ siliŋ sâmap yawuyane kundenaŋan yerâmu ekban. ³ Otmu hambe mohat yawuya yaŋe kakŋan hawamgum laŋinŋe golâ golâ pato pilâm kinmu ekban.

⁴ Otmu lok kunŋe 24, hâk katipŋe kaok bolan bolan yawuya hiŋ hârândâŋ sâsâŋe ya mânunakmâ tatbi. Otmu ŋerendaŋ goliŋak tuhuwi yawuya yaŋe kunyenaŋan hawamgum horaraŋgim tatbi. Otmu yâk yeŋgât kawê tatatyene pato yamâ Anitâ hawamgum ikŋiâk ikŋiâk tatbi. ⁵ Yâhâ Anitâ patoyeŋe talop yâkâlebâ belek sâmu ekban. Otmu denŋeamâ himbim gunŋuruaŋ sâmu mun pato pilâmap yawuya yakât dop olop. Otmu yâkâlebâmâ kâlâp laŋinŋe sem kilik kilik sâmap yawuya sem kinop. Otmu sem kilik kilik sâop yamâ Anitâhât Wâtgât mâmâŋahât Heak yâku yawuâk, dop yawuâk olop. ⁶ Otmu Anitâhât dâtâpŋan saru pato nâŋ nâŋ sâmu yan emetsenaŋe siliŋ siliŋ sâŋ hâumu beleŋ sâmap dop yawuya yaŋe kâwinân liŋgarakmâ nâŋ nâŋ sâŋ iop.

Otmu sonŋo papato yawuya imbât mumuhât dop bia yaŋe hawamgum nombot nombot tatbi. Yâhâ senyeŋe yaŋak pato, bet kulet otyiŋgiop. ⁷ Anŋoân ekban yamâ pusi papatoŋe, kutŋe laion sâŋ, yakât kundenŋe yawuya. Yâhâpŋe ekban yamâ bulimakao pato yawuya. Yâhâ kalimbunŋe

yamâ lok kundenŋe yawu. Yâhâ imbâtŋe yamâ tiwa yawuya. ⁸⁻⁹ Âlâhât konok konok pengamyenŋe nombotgen kalimbu, nombotgen kalimbu yawu talop. Otmu omoŋe hilâmŋe haoŋmâ ârândânŋ An-itâ yuwu sâm kiki mewañgimai.

“Anitâ patonenŋe gâhât tatatge, gâhât wâtge, gâhât orotmemehe ya ae seŋ seŋ me hou sâ sâ. Otmu gâhât nâŋgâmunŋe yahatmap. Gâ embânŋan tatmâ gaon. Otmu tatmâ gat, mâne tatmâ yâhâwion. Yakât otmâ gâhât nâŋgâmunŋe âlâ kândâkdâek otmap.”

Yawu sâm kiki mewañgimai.

¹⁰ Otmu sâp âlâ me âlâen kep mem mepaemaiân yan lok kunŋe 24 ya kerekŋe ŋerendenŋe ya mem yâkât enŋatŋan horatbaŋgimai. ¹¹ Horatbaŋgim nâŋgâŋetâ âlâ kândâkdâ otmu yuwu sâm kiki mewañgimai.

“O, Anitâ patonenŋe. Gike nâŋgân nâŋgâŋan otmat. Otmu gike wâtgan kinmâ hân himbim kândikyotgon. Otmu gikak âliwahap topŋe topŋe hânân kalon yaŋe torokatmâ yâhâwuapgât dop tatgihiawâk. Otmu nâŋgârâ biatbuapgât gurâ dop yawuâk tatgihiap. Yakât otmâ gâ mepaeheksain. Otmu gâhât kutge konok sâm haŋ tuhumunŋe yupâ yapâ arimu ârândânŋ merândânŋ otmâ liŋgarakmâ imap.” Yawu sâmai.

5

Lama Nanŋe yâkât nâŋgâŋetâ yahalop.

¹ Otmu Anitâ patoņe bātņe bonângen pepa âlâ mem goņgoņgumu ekban. Pepa yamâ nombot nombot kulemguop ya sâlikumai sâm mem goņgoņgum gâoņ nombolân yâhâp sâhâop.

² Otmu nâņe aņelo kârikņe âlâ ekban. Yâkņe yahatmâ kinmâ kârikņe halahum yuwu sâop. “Pepa gâoņân tap ya âlâņe mem holaņmâ mewalakum sâlikuwuap?” Yawu sâm den kârikņan sâop. ³ Yâhâ himbimân gâtņe, me hânân gâtņe, me wosapâ wosapâ gâtņe âlâ me âlâņe mem mewalakuwuapgât dop bia. Bia kârikņe. ⁴ Yawu ekmâ yaņak nâņgâmune dopņan ki otmu eņgat hako nâņgâm hâk nâik nâihâk isewan. ⁵ Nâņe yawu isemune lok kunņe 24 tatbi yâk yeņgâlen gâtņe âlâņe yuwu sâm eknohop. “Kâmbuk. Yura yeņgât komolân gâtņe pusi pato âlâ, kutņe Laion, yamâ Dawitihât sen, yâkņe mumuņambâ yahatmâ yan Manman bâleņahât Amboņe, kutņe Satan, yâk mem ge kalop. Yâkņe âlepņe gâoņ ya holaņmâ pilâm mem mewalakuwuapgât dop tap. Yâkât wâtņe pato tatbaņgiap. Yakât ki nâņgârâ gorâhahimu ise. Pak sâm ek.” Yawu sâop.

⁶ Yawu sâmu pak sâm Anitâhât gotņan soņgo papato ya otmu lok kunyeņe ya yeņgât hohetyeņan Lama Nanņe emelâk kum gâiwi, gutņe orowâk yaņe yahatmâ kinmu ekban. Otmu wâtņe pato nandoroņe tatbaņgiop yakât dop kum nîlipņeâmâ nombolân yâhâp. Otmu biwinenņe ekmâ nâņgâmap yakât dop kum senņe gurâ nombolân yâhâp. Otmu Anitâhât Wâtgât mâmâņahât Heak kinmap yakât dop yawuya olop. Otmu nengât nâņgân nâņgânnenņe kusânakmu Anitâhât topņe

nângânehât ikɲak emelâk hângângumu giop. ⁷ Otmu Lama Nanɲe yâkɲe yâhâ Anitâhât bânɲe bongen pepa talop ya miop.

⁸ Memu yan sonɲo papato otmu lok kunɲe yâkɲe ba mem kuku parahu tuhum mepaewi. Yawu otmu lok kunɲaɲe waɲgam mem kep kuwi. Kep kum yakât kakɲan kondo golinak tuhum katɲetâ talop ya kâlehen to kukɲe suk suk yaɲe pindindiɲ sâ m iop ya kondo konok konok mem Anitâhât lohimbi bulâɲe ulitgum mansai ya dop yongom yâk yengât denyenɲe nângâekgât mem uk pilâɲetâ Anitâhât hâmeɲan yâhâop. ⁹⁻¹⁰ Yawu otmâ yan Lama Nanɲe ya ekmâ mepaem kiki yuwu sâ m mewaɲgiwi.

“Gâɲe lohimbi komotɲe komotɲe, emetsenɲe gahaɲehen gehenɲehen, emelâk manbi, âun yu mansai, mâne hâmbâi tete hem mannomai yapâ gâtɲe lok âlâ me âlâɲe gâhât nângâɲetâ bonɲe otbuap yâk sârereyekmâ kaweyenɲan kinbe sâ m hânân gion. Hânân gerâ gâ go-hoɲetâ mum yahatmâ benɲe Anitâhât senɲan kinmâ yâk yengât sâ m ulitgumat. Yakât otmâ yâkɲe Anitâhât pat otbi. Yakât otmâmâ Anitâhât komolân torokatmâ mepaem hoɲ bawaɲgim manmâ yâhânomai. Yawu otmâ lohimbi nombotɲe âlâ manman âlonɲo lonɲo manɲetgât galemlipyenɲe sâ m katyekdâ galem-yongom manmâ yâhânomai. Otmu yawu otɲetgât wâtge pato tatgihiap yaɲe pepa yu mem mewalaku.”

Yawu sâ m kiki mewaɲgiwi.

¹¹ Yawu sâ m kiki mewaɲgiɲetâ aɲelo kiɲgitɲe orowâk, sâlipyongonomgât dop bia, yaɲe yanâk

tetem kurâp kinmâ hawamyongom yuwu sâm mepaewi.

¹² “Lama Nanje ya kujetâ yapâ mum yahalop. Yakât otmâ mepaem manne. Otmu yâkât orotmemeje, me tatatmemeje, me nângân nângânje yamâ hou sâsâ. Otmu yu me ya otbuapgât dop yakât wâtje ya emelâk Anitâje waŋop. Yâkje âlâlâ yakât amboje oap.” Yawu sâm mepaewi.

¹³ Yawu sâm mepaem kinjet Anitâje âliwahap topje topje emelâk embânân kalop, songo bau, saruân gâtje, hân kâlehen gâtje, wosapâ wosapâ gâtje, otmu lohimbi himbimgât pat otbi yâk kerekje menduhuakmâ Anitâ otmu Lama Nanje yâk yetgât yuwu sâm mepaeyelekbi.

“Anitâ yahat yahatje otmu Lama Nanje yetgât wâtjetje ya dop konohâk. Otmu âwâ nan yetgât nângân nângânyetje me, me orotmemeyetje me, me kutyetje ya dop konohâk tatyitgiap. Yakât otmâ mepaeyelekne.” Yawu sâm mepaeyelekbi.

¹⁴ Yawu sâm mepaeyelekjetâ yan songo papato imbât tatbi yâkje nângâjetâ ârândânâk otmu “Ya bonjanâk,” yawu sâwi. Yawu sâjetâmâ lok kunje 24 yâkje yawuâk sâm mepaeyelekbi. Yawu.

6

Lama Nanje yâkje gâoŋ nombolân konok ya mem holaŋmâ pilâop.

¹ Yawu sâm mepaeyelekjetâmâ Lama Nanjepepa ya mem kinmu ekban. Yâkje gâoŋ nombolân yâhâp yapâ gâtje konok mem holaŋmâ pilâop.

Mem holaŋmâ pilâmu sonjo papato munomaihât dop bia ya yengât kunyeŋe yaŋe yahatmâ halahuop. Halahumu engatŋe munŋe yamâ himbim guŋguruŋ sâmap yakât dopŋe nâŋgâwan. Otmu yâkŋe yuwu sâop. “Gam ari.” ² Yawu sâmu, beâsi kaok kaok yakât kakŋan lok âlâ tatmu ekban. Yâhâmâ beâsi yakât kakŋan talop yamâ lok papatoŋe ŋerenden kunyeŋan horaraŋimai yawuya kunŋan horatbaŋgiwi. Otmu yaŋeâmâ kuk otmâ kasalipŋe itit kiom tuhuyekbe sâmmâmâ tembe nananŋe teikum gâitmâ hâum ariop.

³ Arimu yanâk Lama Nanŋaŋe pepa gâoŋ yâhâpŋe ya mem holaŋop. Mem holaŋmu sonjo papato ya yengâlen gâtŋe âlâŋe yuwu sâmu nâŋgâwan. “Gam ari.” ⁴ Yawu sâmu yanâk beâsi kuriŋ yaŋe teteop. Yakât kakŋanâmâ lok âlâ talop yaŋe asama pato miakmâek gam ariop. Otmu lohimbî hionakmâ kapam ahonjetgât Anitâŋe mâmâŋe otbaŋgim hâŋgângumu giop.

⁵ Arimu Lama Nanŋaŋe gâoŋ kalimbunŋe ya mem holaŋop. Mem holaŋmuâmâ sonjo pato âlâŋe yuwu sâop, “Gam ari.” Yawu sâmu yanâk beâsi helenŋ ya teteop. Yakât kakŋanâmâ lok âlâ talop yaŋe sot me senŋe âlâlâ kakŋan katmâ dop memai ya miop. ⁶ Ya memu sonjo papato tatbi yâk yengâlen gâtŋe âlâŋe kârikŋe halahum yuwu sâm lok beâsi kakŋan talop ya ekuop. “Gâŋe sot âlâ mem amanŋ tipinŋan mânunđâ tatmu hâmbâi po tetewuap yanâmâ yakât hâmeŋe mem yahatbuat. Otmu sot mem itâkalân mânunŋmâ yakât hâmeŋe gurâ mem yahatbuat. Otmu hânŋan kulemŋan po pato tetem ki liŋgarakmâ imbuap yakât otmâ wain

toŋe otmu nak âlâ, kutŋe oliwa sâŋ, yakât toŋe yakât hâmeŋaŋeâmâ amutgen talâk.” Yawu sâŋ hâŋgâŋgumu giop.

⁷ Arimu benŋe Lama Nanŋaŋe gâoŋ imbâtŋe ya mem holaŋop. Mem holaŋmu soŋgo papato bâiŋe yaŋe kârikŋe halahum yuwu sâop. “Gam ari.” ⁸ Yawu sâmu yanâk beâsi gimbaŋ kâiâk mâiâk yaŋe teteop yakât kakŋanâmâ lok âlâŋe talop. Otmu yâkât kutŋeâmâ Mumuhât Mâtâp Pato yawu. Otmu yâkât betŋan lok âlâ, kutŋe Hiliwaho Hiliwaho sâŋ, yaŋe watmâ takaop. Yâkŋeâmâ lohimi mem kâsip misip tuhuyekmâ komot imbât katyehowot. Yawu otmâ komot konohâmâ yongomutâ hiliwahonŋetgât wâtŋetŋe tatyitgiop. Otmu sâmutâ mesek umatŋe teteyiŋgimu lohimi nombotŋeâmâ mum hiliwahowi. Me soŋgo sâtŋaŋe tetem yiŋŋetâ muwi. Me po pato tetemu yanâmâ kapam ahom muwi. Otmu kulem yu teteâkgât yâkŋe gem surutuk sâŋ ba ariowot.

⁹ Arimutâ yanâk gâoŋ momeŋe ya mem holaŋop. Mem holaŋmu yuwu tetemu ekban. Hotom u uminiwi yakât alata Yerusalem yeŋgât opon kâmbukŋan talop ya dop kum âlâ yawuya himbimân katmu talop ya tetemu ekban. Yaŋeâmâ embun lohimi emelâk yongonŋetâ muwi ya yeŋgât umutyenŋe ya tatŋetâ ekban. Yâk yeŋgât topyeŋeâmâ yuwu. Embânân aŋgoân lohimi nombotŋaŋe manmâ Anitâhât tem lâum manmâ kasalipyenŋe yeŋgât Porom Lâpio yakât hâkâŋ otbi. Otmu lohimi nombotŋaŋe Yesu mepaem manŋetâ yakât kasalipyenŋe yongonŋetâ muwi. Komot yâhâp ya yeŋgât umutyenŋe ya

ekban. ¹⁰ Otmu Anitâ yuwu sâm ulitguwi. “O, Ambonenne, topge yamâ ikñiâk tap, ki otmâ tâpikgumat. Yakât otmâ nen kerekne yuwu sâm âihohomunne nângâ. Lohimbiñe hânân manmâ kasa otningim nongoñetâ muwin yakât sâp girawu yaen gâñe matñe otyiñgiuwat?” Yawu sâwi.

¹¹ Yawu sâñetâ yanâk Lama Nanñe yañe sângum kaok konok konok yingimu menetâ yuwu sâm ekyongop. “Yen tipine tatmâ nângâñet. Angoân yen yongoñetâ muwi. Otmu yapâ torokatmâ bukulipyene yawuâk yongoñetâ mum gawi. Otmu torokatmâmâ hâmbâi nombotñe âlâ yawuâk yongoñetâ munomai ya Anitâñe yekmâ nângâmu dopñan otbuap. Yanâmâ yen yongowi yakât matñe nâku kâpekyiñgiwom.” Yawu sâop.

¹² Yawu sâm gâoñ nombolân konokñe ya mem holañop. Mem holañmu yan yuwu tetemu ekban. Yanâmâ mososoñ pato miop. Memu yan hilâmgât emetsenñe irik irik sâop yamâ kâlâp gâwuñe yawu olop. Yâhâ omongât emetsenñe yañeâmâ kuriñ kuriñ hâum hepnennñe gemu ekmain yakât dopñeâk olop. ¹³ Otmu siru pato memu nak esenñane beretek sâm hânân gemap yakât dop otmu himbimâmbâ pitu yañe aksihâk beretek sâm gewi. ¹⁴ Yâhâ nennñe sângum mem pâñ pâñ kepehemain. Yakât dopñeâk himbim yamâ ba nombot ga nombot, nombot nombot yañe yawu kepeiahop. Otmu punñe papato otmu mâtuña yañe aksihâk kaweyenñe pilâm orotok sâm gulip malap otbi. ¹⁵ Otmu lohimbi kerek, lok papato me inñe, lok kunñe me tâñât, kaok me helen, iri sikumyeneñe orop me umburuk mansai, lok topñe

topŋe kerehâk ya tetemu wosapâ ba misiŋgurakne sâŋ hâum pâpŋuwi. ¹⁶⁻¹⁷ Ya misiŋgurakne sâŋ hâum pâpŋum yan yuwu sâwi. “Bâe, yuâmâ sâp pato tâlâhuap. Yawu otmâ Anitâ otmu nanŋe yâk yetŋak kuk pato otningim sâmutâ âlâlâ yakât wâtŋe biatbe sâŋ oap. Yakât otmâ nen yu gulip otmâ metenomosaŋ yukâ. Anitâ nanŋaitŋe ewun tatmâ nenekdomosawot yamâ embaken hân kâlehen hangunom. Nen yâkât senŋan âlepŋe wâtnenŋe tatningimu eknomgât dop âlâ ki tap. Yakât girawu otmâ misiŋgurakne. Yakât otmâ kât pato me, pumŋe lauŋe yaŋe nenehâkgât nanŋain.” Yawu sâwi.

7

Isirae lohimbi komotŋe komotŋe ya yengât kundenyenjan undip katyehop.

¹ Otmu ya biatmu yakât kakŋan aŋelo imbât kinŋetâ yekban. Aŋelo imbât yaŋeâmâ hân nombot nombot siru pato dondâ pilâop yakât mâtâpŋe kum maŋguwi. Kum maŋgunetâ nâŋ nâŋ sâop. ² Yawu otmu yan aŋelo âlâŋe sikop gahanjehen tetem kinmâ Anitâ manman amboŋe yâkât komot ya yengât kundenyenjan undipŋe katyekbe sâŋ kinop. ³ Yawu kinmâ bukulipŋe yuwu sâŋ ekyongop. “Yen siru ya ki pilâŋetâ miâk. Nenŋeâmâ aŋgoân sâp yiwerenŋe yu Anitâhât lohimbi yamâ ikŋahât undip katyekmunŋe tâŋ tâŋâk tetemuâmâ yakât kakŋan siru ya pilâŋetâ miâk. Mem yan Anitâhât kasa ya meteyehâk. Otmu undipŋe orowâk katyekmunŋe kinnomai yamâ ki meyekbuap.” Yawu sâop.

⁴ Otmu Isirae lohimbi Anitâhât komolân gâtņe yongonņetâ nânġâwan yamâ emelâk yâkât pat otbi. Yâk yengât dop yamâ menduhuakņetâ 144,000. Otmu Isirae lohimbi yuņe hionġakmâ komot kâi nombotgen yâhâp otbi ya yengât dopyeņe yuwu. ⁵ Yura yâk yengât komolân gâtņe yapâmâ 12,000 yakât dop. Otmu Luwen yâkât komolân gâtņe gurâ 12,000. Otmu Gat yâkât komolân gâtņe gurâ yawuâk 12,000. ⁶ Otmu Asehât komolân gâtņe gurâ yawuâk 12,000. Otmu Naptalihât komolân gâtņe ya gurâ yawuâk 12,000. Otmu Manasehât komolân gâtņe gurâ yawuâk 12,000. ⁷ Otmu Simionġât komolân gâtņe gurâ 12,000. Otmu Lewihât komolân gâtņe gurâ 12,000. Otmu Isasahât komolân gâtņe gurâ 12,000. ⁸ Otmu Sewulungât komolân gâtņe gurâ 12,000. Otmu Yosepgât komolân gâtņe gurâ 12,000. Otmu bânġeâmâ Benyamingât komolân gâtņe 12,000. Lohimbi komot yuņe Anitâhât pat otbi.

Lohimbi kinġitņe orowâkņe kinmâ Anitâ yet Yesu mepaeyelekbi.

⁹ Ya ekmune pesuk sâmu yakât kakņan lohimbi kinġitņe orowâk hânņan kulemņan manbi yaņe taka menduhuakmâ kinņetâ yekban. Otmu lohimbi ya sâlipyongonomġât dop bia. Yaņe Anitâ otmu Lama Nanņe yâk yetġât gotyetņan kinbi. Kinmâ sâņġum kaok bolañ bolañ mânuņakņetâ ge enġatyenambâ hârâtâhâk kinmâ ariop. Yâkņe awu tawu mem lapu lapu tuhum yuwu sâm Anitâ mepaem kinbi. ¹⁰ “O, Anitâ Tihit Amboņe. ġâņe nen gike pat sâm kuningion. Yakât otmâ ki hiliwahonom. Otmu gike nange, Lama Nanņaņe nengât

tosahât otmâ umatŋe miop. Yakât otmâmâ sâp yiwerenŋe yuâmâ nenŋe manman âlepŋan manmâ gain.” Yawu sâwi.

¹¹ Yawu sâŋetâmâ aŋelo kiŋgitŋe orowâkŋe men-duhuakmâ Anitâ otmu Lama Nanŋe, soŋgo papato imbât, lok kunŋe yâk kerek hawamyongom kurâp kinbi. Kurâp kinmâ Anitâ mepaem yuwu sâwi.

¹² “Nen Anitâ Ambonennahât wâtŋan manmain. Yâk nâŋgân nâŋgânŋe âilonŋo. Otmu âlâlâ yakât amboŋe oap. Yâhâmâ laŋinŋanâk tatmâ gamap. Manman amboŋe yu bulâŋe. Otmu yâkŋe buku âilonŋo otningim gamap yakât mepaembisâin.” Yawu sâwi.

¹³ Yawu sâŋetâ lok kunŋe 24 yâk yengâlen gâtŋaŋe yuwu sâm âinohop. “Lohimbi yu sâŋgum kaok bolan bolan mânunjakmâ kinsai ya wosakembâ takai? Otmu topyenŋeâmâ girawu?”

¹⁴ Yawu sâm âinohomu yuwu sâm ekuwan. “Nâmâ wongât âinohoat? Gâŋe eknohoâyâ.”

Sâmune sâop. “Lohimbi yuâmâ emelâk kasalipyenŋe mem ge katyekne sâm mem âlâlâ tuhuyekŋetâ hâhiwin kakŋan manmâ gawi. Yawu otyiŋgiŋetâ sâtŋum manmâ biwiyenŋe Yesuhâlenâk katmâ manbi. Yakât otmâmâ emelâk Lama Nanŋe hepŋaŋe tosayenŋe pirim ikŋe pat kuyiŋgiop.

¹⁵ Yakât Anitâhât senŋan kinmâ sâp ârândân yâk mepaem hoŋ bawaŋgim manmai. Yawu otmâ manmâ yâhâŋetâ Anitâ manman amboŋaŋe galemyongom mâmâŋe otyiŋgimap. ¹⁶⁻¹⁷ Otmu Lama Nanŋe yamâ Anitâhât senŋan kinmâ gamap. Yawuhât yâku yawuâk yâk yengât galem otmâ manman kârikŋe yakât to senŋanâk dâiyekmâ arimu yan nem piriakmâ mepaeakmâ

mannomai. Yawu otmâ Anitâne yâk yengâlen umatne âlâlâ teteyingimapgât manman sânduhân katyekmâ wawaeyekbuap. Yakât kakņanâmâ yâhâpne torokatmâ engat hako otmâ gilâp isenomaihât dop ki tap. Me sotgât yâhâpne ki po yingimu munomai. Me tohât engatyene ki san sâwuap. Me sikopne yongomu yan wâtyene ki houj sâwuap.” Yawu sâop.

8

Lama Nanņe yâkne gâoņ bâiņe ya mem holaņmâ pilâop.

¹ Ya ekmune biatmu Lama Nanņane gâoņ nombolân yâhâpne ya mem holaņop. Mem holaņmu yanâk mun ya bialop. Mun ya biatmu Anitâ hawamgum kinbiņe in tatmâ hutuk sâm kinbi. ² Yawu kinņetâ kâlep ki otmâek aņelo nombolân yâhâp yaņe Anitâhât senņan tetem kinņetâ yekban. Kinņetâ Yesuņeâmâ lâmun nombolân yâhâp ya yingimu mewi. ³ Otmu yâk yengâlen gâtne âlâņeâmâ kondo goliņak tuhuwi ya memâmâ alata yan hotom uwi yakât nombotgen ari kinop. Otmu lohimbi nombotņe alata amutgen kinmâ yan Anitâ ulitgum manbi ya yengât den ya haņ sâm yâhâmu tepņe nâņgâyiņgiâkgât Yesuņe to kukņe suk suk yamâ gâimu kondoân ya pik sâm iop. ⁴ Pik sâm imu aņeloņe mem moselemu Anitâhât hâmeņan yâhâop. Yâhâmu yanâmâ tepņe nâņgâyiņgiop. ⁵ Otmu ya pesuk sâmu aņelo yaņe alata yapâ kâlâp mem kondo kâlehen katmâ mem ari akņangen panmu hânân sem tok sâm giop.

Hânân gemu elem ya tok sâmb belek sâmbu himbim guᅅguruᅅ sâop. Himbim guᅅguruᅅ sâmb arimu mososoᅅ pato miop.

Anjelo kândikuᅅe lâmunᅅe kunop.

⁶ Otmu anjelo nombolân yâhâp yaᅅe lâmunyeᅅe âlâku konok konok miakmâ kunne sâmb otmâ men-duhuakmâ kinᅅetâ yekban.

⁷ Anjelo anᅅoân lâmun kunop, sâp yanâmâ gelâk kândâk kândâk otmu kâlâp yaᅅe hepᅅak pato otmâ hânân kioᅅmu ekban. Yâhâ hânân giop yaᅅeâmâ puᅅ sâmb hewukᅅe nombotᅅeâk siop. Komot kalimbu gârâmâ yakât hohetyeᅅambâ gâtᅅe konohâk yaᅅeâmâ sem meteop. Yâhâwâmâ talowot.

Anjelo yâhâpᅅaᅅe lâmunᅅe kunop.

⁸ Yawu otmâmâ anjelo yâhâpᅅaᅅe lâmunᅅe kunmu yan wahap âlâ giop. Yamâ kâlâp pato yawuya. Yaᅅeâmâ ge saru kâlehen giop. Saruân gemu yan saru torehenᅅe giowângen yaᅅeâmâ hewâk pato olop. ⁹ Hewâk pato otmu saruân gâtᅅe yan iwi ya aksihâk muwi. Otmu nombotᅅe saruân waᅅga mem bam gam otmâ manbi yâk gurâ yawuâk saru kakᅅan gulip otbi. Yâhâ nombotᅅe pato yamâ âlepᅅe hâmeyeᅅe kinop.

Anjelo kalimbuᅅaᅅe lâmunᅅe kunop.

¹⁰⁻¹¹ Anjelo kalimbuᅅaᅅe lâmunᅅe kunop. Kunmu pitu pato âlâ, kutᅅe Kalak sâmb, yaᅅe sem laᅅ laᅅ sâmb kioᅅop. Yaᅅe himbimâmbâ ewapâ gemu yan to senᅅe senᅅe yakât nombotᅅeâk kalak olop. Komot kalimbuᅅambâ komot konohâk yaᅅeâmâ kalak olop. Yâhâ yâhâp yamâ ukenᅅe yawuâk

olowot. Yawu otmu lohimbi nombotŋaŋe to kalak newi yaŋe muwi.

Aŋelo imbâtŋaŋe lâmunŋe kunop.

¹² Aŋelo imbâtŋaŋe lâmunŋe kunop. Kunmâ dewutâ emetsenŋe pitu topŋe topŋe laŋinyeŋe yamâ kâtâpgumu omoŋguop. Otmu dewutâ nombotŋe yamâ nombolâk pilâmu nomborâmâ omoŋguop. Otmu emetsenŋe yawuâk, otmu pitu gurâ yawuâk laŋinyeŋe inin pilâmu sânduk sâmiop. Yawu otmu hilâmgât emetsenŋe ya kâtâpgumu hilâm kârikŋan omoŋ sâhâop. Otmu dop yawuâk omoŋgât emetsenŋe ya gurâ kâtâpguop.

¹³ Otmu ya biatmu yakât kakŋan âlâ tetemu yuwu ekban. Tiwa pato pâp pâp sâmi hanân yâhâm arimu ekban. Hanân yâhâm ari kârikŋe halahum yuwu sâop. “Bâe, âlâlâ teteap yuâmâ ki orotŋe. Aŋelo nombotŋe âlâ yâkŋe lâmunyeŋe kunne sâmi oai. Kunŋetâ sâp yanâmâ umatŋe topŋe topŋaŋe lohimbi kakyeŋan yâhâwuap. Hâmbâi yan girawu otnomai sâmi nâŋgâm oan yukâ.” Yawu sâop.

9

Aŋelo momenŋaŋe lâmunŋe kunop.

¹ Aŋelo momenŋaŋe lâmunŋe kunop. Kunmu yan pitu pato âlâŋe himbimâmbâ gemu ekban dop yawuya aŋelo âlâŋe himbimâmbâ gem hanân kioŋop ya tetemu ekban yakât topŋeâmâ yuwu. Yâkŋe hem nâpumŋe yapâ âlâlâ bâleŋe topŋe topŋe holaŋmu yahatmâ ariâkgât himbimâmbâ giop. ² Gem hem nâpum yakât gahatŋe ya mem

pilâmu aŋ sâmu utun pato gam yâhâm emet-senŋe ya kâtâpŋuop. Kâtâpŋumu omoŋ pato sa-hahop. ³ Otmu utun yâhâop yakât biwiŋambâ dimuŋ tem pato ya teteop. Tetem utun ya biwiŋambâ gemâmâ kulahâ bâleŋaŋe ningimap dop yawuâk yiŋgiop. ⁴ Otmu amboyeŋaŋeâmâ yuwu sâm ekyongop. “Yenâmâ nak me senŋe âlâlâ esenŋe ya nene sâm ki genomai. Me Anitâhât lohimbi undip katyiŋgiŋetâ yâkât pat otmâ mansai yâk yekmâmâ hâhiwin ki yiŋginomai. Yâhâ nâŋe mâmâŋe otyiŋgimune ari lohimbi tâŋât, undipyenŋe bia yamâ hâhiwin pato yiŋginomai. ⁵ Hâhiwin yiŋgiŋetâ sâtŋum manŋetâ emetsenŋe mome pesuk sâmu yanâmâ sânduk sâwuap.” Yawu sâm hâŋgânyongop. ⁶ Hâŋgânyongomu ge lohimbi yiŋgiŋetâ hâhiwin nâŋgâwi ya biatyŋgiâkgât mâtâp hâum pâpŋum manbi. Hâhiwin ya yawuâk nâŋgâm manŋetâ emetsenŋe mome pesuk sâmu yanâk hâkyenŋe sânduk sâop.

⁷ Otmu dimuŋ yaŋeâmâ yiŋgine sâm beâsiŋe beren beren otmâ kinmap dop yawuâk otmâ kinŋetâ yekban. Yâhâ kunyeŋeâmâ ŋerendenŋe goliŋak tuhumai yawuya mem lok papatoŋe ŋerendenŋe horaraŋgimai dop yawuyaŋe horaraŋgim kinŋetâ yekban. Kun kundenyeŋe yamâ lok nengât kun kunden yawuya. ⁸ Yâhâ somotyenŋe yamâ kâkâlep yaŋe silik solok sâm giop. Yâhâ sâtyenŋe yamâ puaia sâtŋaŋe kâkitik sâmap, dop yawuya. ⁹ Yâhâ dihinyenahât katipŋe yamâ hâmbâ kârikŋe yawuya. Yâhâ penŋamyenŋe mun pato pilâop yamâ gâmut huwuwuŋ sâm gam arimu nâŋgâmain yawuya bia. Ya wangim dop âlâ olop.

¹⁰ Yâhâ sopyeñeâmâ boson boson sopñe yawuya. Otmu yañeâmâ lohimbi kârâyekmu hâhiwin pato nângâwi. Hâhiwin pato nângâwi yakât kakñan emetsenñe mome pesuk sâop. ¹¹ Otmu amboyeñe yamâ añelo âlâ hem nâpum pato tumuñe ki ehekñe yakât amboñe. Añelo yakât kutñe yamâ Isirae yengât denân Awaron, yâhâ Girik denân Apolion sâmai. Yakât topñeâmâ yuwu tap. “Kiom Amboñe.”

¹² Otmu añelo momerâñe lâmunyeñe kunbi yapâ umatñe teteop yamâ bialop. Otmu umatñe yâhâpñe otmu kalimbuñe tetewe sâm olop.

Añelo nombolân konokñeñe lâmunñe kunop.

¹³ Añelo âlâ nombolân konok yañe lâmun ya kunop. Kunmuâmâ alata amutgen kinbi yañe Anitâ yuwu sâm ekuwi. ¹⁴ “Emelâk añelo imbât yañe to pato âlâ, kutñe Euparata sâm, yan lohimbi bâleñe yañe matñe menomai yakât mambotmâ tatñet sâm dâmân kâlehen katyekñetâ tatbi. Katyekñetâ tatñetâ emelâk yongone sâm yakât hewewen otmâ mitiwahom tatbi. Yâhâmâ matñe yingñetgât añelo lâmun kunmâ kinsap yu hângângurâ holanyekmu arinjetgât nangain.” Yawu sâwi.

¹⁵ Yawu sâñetâ yanâk ari holanyekmâ lohimbi kâsipyongoñetâ komot kalimbu otbi ya yengât hohetyeñambâ gâtñeñe komot konok mem gulip tuhuyekñetgât sâm hângânyongop. ¹⁶ Hângânyongomu emelâk arine sâm bunewâk hengemahom tatbihât yapâ yahatmâ ariwi. Otmu yâk yengât kapam lok beâsi kakñan tatbi ya sâlipyongonomgât dop bia. Yamâ komot pato, 200 milion yawu.

17 Otmu kapam lok beâsi kakņan ariwiņe kapamgât hâk katipņe topņe topņe mem haņgalakbi. Nombotņe kisi kisi, nombotņe kuriņ, kâlâp koketņe kuhuluņ kuhuluņ yakât dop me hep yawuya, yâhâ nombotņe gimbaņ yawuya. Yâhâ beâsi yeņgât towatyene yamâ yuwu. Kuyene yamâ pusi pato, kutņe Laion sâm, yâkât kunņe yawuya. Wâtyene pato tatyņgiop yakât lauyenambâmâ kâlâp pato sem kilik kilik sâm punduņ sâm kinmap yawuya ekban. Yaņe ari lohimbi kâsipyonņetâ komot kalimbu otbi ya yeņgât hohetyeņambâ gâtņe komot konok sem gulip tuhuyekņetgât sâwi. ¹⁸⁻¹⁹ Yamâ betyenehen otmu dâtâpyenehen yamâ sâtņeâk hârok. Yâhâ hapeyehât sâtņe yamâ mumakgât sâtņe dop yawuya bia. Ya wangiap. Yaņe lohimbi kerek hilipyongomu hâhiwin dondâ nâņgâm muwi.

20 Otmu lohimbi komot kalimbu tatbi. Yapâ gâtņe komot konok emelâk gulip otbi. Yâhâ komot yâhâp tatbi yaņeâmâ orotmemeyene bâlene ya ki bet pilâwi. Yamâ kuyene kârikņe otmâ torokatmâ weke bâlene yeņgât nâņgâņetâ bonņe otmu mepaeyekbi. Yâhâ Porom Lâpio yawuya yeņgât umutyene ya hâwiwi, me kâtņak gâiwi, me goliņak me siliwanak um kutakum yaņak mepaewi. Yawu otmâ wahap tâņât, hâliņe bia, yakât nâņgâņetâ yahalop. ²¹ Otmu kombo meyiņgine sâm dondâ yonņetâ muwi. Me sait bâlene, me karasuņa, me kâwâ konda me âlâlâ ya otbi. Yawu otmâ manmâ Anitâhâlen biwi nâņgân nâņgânyeņe ki kepeiwi. Orotmeme bâlene ya torokatmâ otmâ manbi.

10

Aņelo âlâņe pepa mem Yoane waņmu niop.

¹ Otmu ya pesuk sâmu aņelo âlâ ekban. Yamâ wâtņe pato nandoroņe tatbaņgiop yaņe himbimâmbâ elem kulewoņboņ biwiņambâ gemu ekban. Aņelo yakât kun kundenni yamâ sikopņe siliņ siliņ sâm hâumap yakât dop otmâ laņinņe pilâmu yâkât kun kundenni yamâ hambe mohat yaņak pato otmu ekban. Kâi pawutņe yamâ kâlâp semu koketņe laņ laņ sâm imap dop yawuya.

² Yâhâ bânņan pepa mem talop yaņe perereņ sâop. Otmu kâiņe perereņ sâm bonângenņe saruân tâlim kanehenņe hânân tâliop.

³ Yawu otmâ yan halahuop. Halahumu elem pato ya hâreakmu himbim guņguruņ sâmu nâņgâwan.

⁴ Topņe ya nâņgâm kulemguwe sâm ot tatmune benņe, Yesuņe himbimâmbâ den âlâ yuwu sâop. “Yoane, elem kulewoņboņ munņe pilap yakât topņe ki kulemgu. Yamâ inâk ândâwâk nâņgâm biwihanâk katbuat.” Yawu sâop.

⁵ Otmâ aņelo yaņe bânņe bongen siwira hom panmâ himbimân ekmâ yuwu sâop.

⁶ “Anitâ manman amboņe. Gâ embâņân tatmâ gaon. Otmu tatmâ gat, mâne tatmâ yâhâwion. Wâtge kârikņe pato tatgihiap. Yawu tatgihiapgât otmâ himbimân, hânân, toen, saruân, me senņe âlâlâ wosapâ wosapâ tatmâ arai ya gâņe sârâ tetewi.

⁷ Wâtge pato yawu tatgihiap yakât otmâ sârâ sâp pato yu emelâk tâlâhuap. Yakât otmâmâ sâp yiwerene yu alata amutgen kinsai ya yeņgât nâņgâmâmâ kasalipyene matņe bâleņe yiņgirâ meņet. Otmu emelâk gâņe poropetelipge den ekyongorâ sâm

tetem gawi yakât bulânje yiwerenje teteâkgât yakât anjelo nombolân yâhâpñaje lâmunje ya kunâk.” Yawu sâop.

⁸ Yawu sâmu yanâk Yesuje himbimâmbâ yuwu sâm eknohop. “Anjelo kâinje nombotje hânân tâlim nombotje saruân tâlim pepa mem pererenj tuhumm kinsap ya ari bânjan me.” Yawu sâop. ⁹ Yawu sâmu arimune anjelo yaje yuwu sâm eknohop. “Pepa yu gihimune mem ne. Nendâmâ lauhan membuap. Yâhâ nem kut pilârâ tepgan gewuawâmâ tepge irik irik sâmu hâhiwin nânġâuwat.” Yawu sâm eknohop.

¹⁰ Yawu sâm mem nihimu newan. Mem nemune kâkânan bâok sâop. Yâhâ tepnan giop yanâmâ hâhiwin nihio. ¹¹ Hâhiwin nihim yanâmâ yuwu sâm eknohop. “Gâ ihilâk lohimbî hânjan kulemjan kapi wosapâ me wosapâ manmâ arai ya yengâlen ari yu me ya teteyingiwuapgât topje sâm tetem ekyonguwat.” Yawu sâm eknohop.

11

Anitâhât hoñ bawa lok yâhâp yâk yetgât topyetje

¹ Otmu kapam dop tuhu tuhu ya mem nihim yuwu sâm eknohop. “Gâ yahatmâ ari. Anitâhât opon kâmbukñahât ginje hotom umai yakât tuñgune nombot yakât dop tuhumm ek. Otmu lohimbî nombotñaje Anitâ hoñ bawañgim mepaem kinsai ya amonje kinsai ya sâlipyongom dopyenje nânġâ. ² Yâhâ Anitâhât topje ki nânġâmai yamâ yaehen tai yâhâmâ kasalipyenaje taka emet kapiyene Anitâhât kawene tap ya limbârõngum hâhiwin yinġinetâ sâtgum mannomai. Sâtgum manġetâ emetsenje 42 pesuk sâwuap. Yakât otmâ

yâhâmâ ki sâlipyongowuat. Pilâyekdâ in tatnomai.
³Yawu otmâ hâhiwin nângâm sâtgum manjetâ yan nâŋe hoŋ bawayâhâtne yâhâp katyelekmune lohimbi yaŋe munomaihât kou kendâmahom kunyetŋan kepeim Anitâhât topŋe sâŋ ekyongom manmutâ emetsenŋe 42 pesuk sâwuap.” Yawu sâop.

⁴Yâhâ Anitâhât hoŋ bawa lok yâhâp yâk yetgât topyetŋeâmâ yuwu. Yâhâmâ nak âlâ, kutŋe oliwa sâŋ, yawuya. Me balam yâhâp sem kilik kilik sâŋ kinmap yawuya. Yâkŋeâmâ Anitâ hoŋ bawaŋgim yâkât topŋe sâŋ tetem ekyongom mandomawotgât sâŋ yitgiop.

⁵Yâhâ tetemu ekban yakât torokatmâ yuwu sâwe. Lohimbi nombotŋaŋe orotmeme bâleŋe otmâ mansaiŋe yotgone sâŋ gotyetŋan arinetâ yâk yetgât lauyetŋambâ kâlâp punduŋ sâŋ seyekbuap. Yakât sâŋ kalop. ⁶Lok yâhâp yaŋeâmâ Anitâhât wâtŋan kinmâ gelâk âlâ ki giâk sâmutâ ki gewuap. Sâp yan Anitâhât den ekyongoromawot. Yâhâ to senŋaŋe hep olâk sâmutâ hep otbuap. Me kundat umatŋe topŋe topŋe teteyiŋgiâkgât nângâromawot ya gurâ âlepŋe teteyiŋgiuwawâk. Yakât wâtŋetŋe pato tatyitgiap.

⁷Otmu Anitâhât den ya sâŋ tiŋ pilâromawot yan hem nâpum bâleŋahât amboŋe yaŋe yapâ yahatbuap. ⁸Yahatmâ kapi âlâ kutŋe âiŋe Sotom sâŋ, otmu kutŋe âlâmâ Aihita, yan Kutdâyetŋe howanân kuŋetâ muop kapi yan ari kasa otyitgim yotgomu mundomawot. ⁹Yawu otyitgimu yan mitihât kasa hânŋan kulemŋan kapi wosapâ me wosapâ gâtŋaŋe yâk yetgât den pat ya

nângâm taka yelekmâ mem hanyotgomaihât galem-yetne kinjetâ ki mem hanyotgonomai. ¹⁰ Yawu otjetâmâ nombotņane yuwu sânomai, “Bâe, hoņ bawa yâhâp yuņe taka hâhiwin kakņan katnenek-mutâ sât gum manmâ gain ya muawot.” Yawu sâ m bukulipyene orop yeneâk herone nanņanņim senne âlâlâ anņi guņgi otmâ yâhânomai. Otmu yâk yetgât sâ m torokatyitgim oņ giriņ otnomai. ¹¹ Yawu otjetâ hilâm kalimbu otmu âlâhât nombolâk ya pesuk sâmu imbâtņan hilâm kârikņan yanâmâ Anitâhât Wâtgât mâmâņahât Heakņe ge mâmâņe otyitgimu yahatdomawot. Yahatmâ kinmutâ yan lohimbi nombotņane gotyetņambâ gam arinomai yane yelekmâ umutyene arimu kiņgityenâhât dondâ otnomai. ¹² Yawu otmutâ yanâk himbimâmbâ Yesuņe den âlâ yuwu ekyotgowuap. “Yet yuân gayet.” Yawu sâ m ekyotgomu elem kulewoņboņ biwiņambâ yâhâmutâ kasalipyetņane yeleknetâ sâtne otbuap.

¹³ Yâhâromawot yanâk mososoņ pato membuap. Memu emetyene mem gâsuk tuhumu amon âlâek yane putuk sâwuap. Otmu lohimbi matņe 7000 yongomu munomai. Muņetâ yanâmâ lohimbi nombotņe ki hiliwahonomaiņe Anitâhât kulem ya eknetâ sâtne otmu yâkât nânņanjetâ yahatbuap. ¹⁴ Umatņe yâhâp teteap yamâ pesuk yap. Yakât kakņan kalimbunę yu tetewe sâ m oap.

Anęlo nombolân yâhâpņane bâiņe lâmunęe kunop.

¹⁵ Anęlo bāt nombolân yâhâpņe, bukuyene bâiņe yane lâmun kunop. Kunmuâmâ anęlo kiņgitņe orowâkņe den kârikņan yuwu sâņetâ gemu nânņawan. “Kutdânenņe Anitâņe nanņe

hângângumu ge lohimbi yengât lok kutdâ manmâ tihityeņe otmâ manbisâp yakât sâp emelâk tâlâhuap.” Yawu sâm mepaewi.

16 Otmu lok kunņe papato 24 ya Anitâ hawamgum tatmaiņe yuwu sâm Anitâ kiki mewangiwi.

17 “O, Anitâ, Wâtgât Amboņe. Embânġân hân himbim ki kândikyotgonâmbâek tatmâ gaon. Otmâ tatmâ gamat.

Sâp yiwerene yu topņe katmâ lohimbi hânġan kulemġan manmâ arai yamâ gâņe galemyeņe pato otmâ yâhâuwat. Yakât nâņgâmunņe hân himbim pâroņ oap.

18 Yâhâ lohimbi nombotņe gâhât topge ekmâ nâņgâhihiņetâ gemu betgihim komolipge mem âlâlâ tuhuyekmai. Yawu otmâ orotmeme bâleņe otmâ manmâ gai yakât matņe yiņgiwe sâm oat. Matņe yiņgiwe sâm otdâ kuk pato otmâ ahone sâm oai. Otmu gâņe lohimbi kerek yengât biwiyene ekmâ nâņgâm matņe yiņgiuwatgât sâp ya tâlâhuap. Yakât otmâ gâ mepaeheksain.

Otmu sâp yiwerene yuâmâ poropete nombotņe gâhât tem lâum manmâ gawi, me lohimbi nombotņe gâhâlen biwi nâņgân nâņgânyeņe kepeim manmâ gawi, yâkņe hâmeņe âlepņe menomaihât sâp yu tâlâhuap. Yakât sâm gâ mepaeheksain.”

19 Yawu sâm kiki mewangiņetâ Anitâhât opon kâmbukņe himbimân tap yakât gahatņe ya hindakmâ aņ sâm kinop. Hindakmâ aņ sâm kinmu yakât kâlehen girem den sâm kulemgum kalop yakât katipņe ya tetekġan otmu ekban. Yawu otmâ

belek sâmbim guᅅguruᅅ sâmb gelâk kândâk papato giop. Yawu otmâ yan mososoᅅ pato memu hân hârohâk sâmb sâmb sâop. Yawu tetemu ekban.

12

Imbi âlâᅅe naom memu puaiᅅe nem kereᅅgetbe sâmb olop.

¹ Kulemb âlâ himbimân yuwu tetemu ekban. Imbi âlâ hâk katipᅅe mânunjakmâ talop yakât kundenneâmâ sikopᅅe siliᅅ siliᅅ sâmb hâumap yawuya. Yâhâmâ omongât emetsenᅅe laᅅinᅅe pilâop yakât gotᅅan kinop. Yâhâ kunᅅe mâpuᅅanâmâ pitu kâiân yâhâp tatbi. ² Otmu imbi yamâ tepdâek. Yawu gârâmâ naom ya membe sâmb hâliiakmu hâhiwin nâᅅgâm isem talop.

³ Yawu olop yakât kulemb âlâ himbimân yuwu tetemu ekban. Puaia kuriᅅ bâleᅅe yawuya. Kunᅅeâmâ bât nombotgen yâhâp. Yâhâ kunᅅe ya ârândâᅅâk lok papatoᅅe ᅅerendenᅅ horaraᅅgimai yawuyaᅅe hârâtâhâk horaraᅅgim talop. Yâhâ ᅅilipᅅeâmâ bât nombot nombot hârok. ⁴ Yâhâ yaᅅe himbimân pitu kâsipyongomu komot kalimbu otbi. Komot konok yamâ aksihâk hapenᅅe gâwâreyekmu pek sâmb hânân gewi. Yâhâ komot yâhâp yamâ pilâyekmu yanâk tatbi. Otmu imbi yaᅅe naom ya memu puaiᅅe nembe sâmb imbi yakât gotᅅan ba kinop. ⁵ Yâhâ imbi yaᅅe naom miop yaᅅeâmâ hâmbâi lohimbi hârok yengât lok kutdâ manmâ tihityeᅅe otbuapᅅât Anitâᅅe emelâk sâmb kalop. Otmu puaiᅅe nembe sâmb otmu sâp yan Anitâᅅe sâmbu naom ya himbimân yâhâmâmâ orowâk talowot. ⁶ Yawu otmu imbi

yaņeâmâ kinġitņahât otmâ sururuk sâmb ari lok ki manmaiângen Anitâņe yâkât kawem mem heņgenġuwanġim kalop yan ariop. Yan arimu Anitâņe tihitņe otmâ yâhâmu emetsenņe 42 ya pesuk sâop.

⁷ Yâhâ imbi yaņe lok ki manmaiângen ariop sâp yanâmâ himbimân kapam pato teteop. Kapam pato tetemu yan aņelo patoyeņe, kutņe Mikae sâmb, yâkņe aņelolipņe meyekmu puaia yakât komolipņe ya yongom mem ge katyekbi. ⁸ Mem ge katyekmâ himbimâmbâ watyekņetâ hânân yuân gewi. ⁹ Yawu ġârâmâ puaia kunsain yâkât kutņe yamâ Haknenņan Sâmap, otmu kutņe âlâmâ Satan, yaņe lohimbi kerehâk kâityongom mem lohotņe tuhunenekmap.

¹⁰⁻¹¹ Otmu alata amutgen kinbi yaņe yuwu sâņetâ nânġâwan. “Satanņe Anitâhât senņan kinmâ haonġmâ ârândâņ nen Anitâhât komolipņe den âiân katnenekmâ mem bâlenenekbe sâmb gamap. Yawu ġârâmâ Anitâņe nanņe sârerenenekhâġgât hânġânġumu gem nengât sâmb muop ya mumuņambâ mem yahalop. Yawu ġârâmâ sâp yiwereņe yuâmâ yâkņe sâmb yâkât aņelolipņe Satangât komolipņe watyekņetâ ġiai. Otmu Lama Nanņe yâkâlen torokatmunņe mâmâņe otningimu Satan otmu yâkât hoņ bawa me mitihât kasa takanġetâ lohotņe ki otmâ manbin. Yawu otmâ kârihem kinmâ Lama Nanņe yâkât tem lâuwânġim mepaewin. Mepaemunņe yakât matņe kasalipņe taka nongonġetâ muwin. Yawu ġârâmâ Anitâ Kutdânenni wâtņe pato tatbanġimapņe nen mem heņgenġunenekbuapġât mâtâp teteap.

¹² Otmu Lama Nanņe ya mumuņambâ mem

yahalop yan Satan mem ge kalop. Yâhâ yakât dopneâk nenje Satangât hon bawa ya mem ge katyekbin. Topne yawuhât otmâ himbimân gâtne yeje herone otbangim mepaem mannomai. Yawu gârâmâ hâmbâi Anitâne Satan mem ge katbuap yakât Satanne nângâm kuk pato otmâ yakât matne sâm hânân ge lohîmbi mem ge katyekbe sâm olop. Yawu gârâmâ yakât nângâm tepnenne dondâ bâleap.” Yawu sânetâ nângâwan.

¹³ Yakât otmâ puaiane yuwu nângâop. “Bâe, hânân gian yukât matneâmâ imbi yakât naom ya muâkgât nanjan” yawu sâop. ¹⁴ Yawu sâop yakât otmâ Anitâne sâmu tiwa pengamne yanje imbi ya âlihitanjawi. Âlihitanjinetâ yahatmâ pâp pâp sâm lok ki manmaiângen Anitâne kawe heñgenjuwangiop yan ariop. ¹⁵ Arimu puaia kurin bâleje yanje imbi ya hilipguwe sâm lauje anmu yapâ uwurup pato gam kionop. ¹⁶ To yanje gam kionmâ imbi ya nem kereñgetbe sâm olop. Yawu olop yamâ imbi yanje torokatmâ manmâ yâhâmu emetsenne 42 pesuk sâekgât Anitâne sâmu pumne âlâje bâok sâm to ya lâum kurihiop. Lâum kurihimu imbi ya hâmeje kinop. ¹⁷ Hâmeje kinmuâmâ puaiane ekmâ kuk bâleje olop. Kuk bâleje otmâ imbi yakât komolipnane Yesuhât den pat âlepne ya nângâm mem biwiyanan katmâ Anitâhât tem lâum manbi. Komot yengât puaia yanje kuk bâleje otyingim itit kiom tuhuyekbe sâm ariop. ¹⁸ Ari saru sâtnan kinop.

13

Soñgo sâtnje kârikne yamâ kunje nombolân yâhâp.

¹ Saru sâtņan kinmâ halahumu sonĝo âlâ, sâtņe kârikņe, yaņe saruâmbâ gamu ekban. Sonĝo sâtņe kârikņe yamâ ñlipņe bāt nombot nombot hârok. Yamâ lok kutdâ yengât irimut horaraņĝimai ya ñlipņan konok konok horarakmâ talop. Kunņe yamâ nombolân yâhâp yanâmâ Anitâ watmâ yâkât kaweņan kinbe sâm yan ikņe kutņe konok konok kulemĝuakmu talop. ² Yâhâ orotmemene yamâ yinsiwet kârikņe yawuya. Yâhâ kâiņe bātņe yamâ tiwa yawuya. Sâtņeâmâ puaia sâtņe yawuya. Yâhâ puaia ya emelâk ekban yakât wâtņan kinmâ tem lâuwaņĝiop. ³ Yâhâ sonĝo yamâ emelâk kasaņe kunņe nombolân yâhâp yakât hohetyeņan ĝâtņe konok kuop. Kumu hepņe pato ga kionmu wip sâm benņe yaņak sâwâewaņĝiop. Sâwâewaņĝimu lohimbî hânņan kulemņan manbiņe ya ekņetâ sâtņe olopgât yâkâlen torokatmâ yâkât nânĝâņetâ yahalop. ⁴ Nânĝâņetâ yahatmu yuwu sâwi. “Bâe, sonĝo kârikņe bâleņe âlâlâ kerek wangiyeksap. Yawu ĝârâmâ lok girawu yaņe mem ge katbuap?” Yawu sâm sonĝo yakât nânĝâņetâ yahalop. Yawu ĝârâmâ sonĝo ya konok ki mepaewi. Sonĝo yakât amboņe puaia yaņe mâmâņe otbaņĝiop yakât otmâ yâk yâhâp yâhâp nânĝâyitĝiņetâ yahatmu mepaeyelekbi.

⁵ Anitâņe ya ki ekmâ sâyitĝiopĝât sonĝo yaņe Anitâhât nânĝâmu ĝemu mem ge katbe sâm yuwu sâop. “Anitâ ya emelâk wâtņe biatmu mem ge kat-san.” Yawu sâm ikņahât nânĝâmu yahalop. Yawu otmâ kârikņe otmâ manmu emetsenņe 42 ya pesuk sâop. ⁶ Yâhâ sonĝo sâtņe yaņe Anitâ mem ge katbe sâm yakât sâm bâlewaņĝiop. Dop yawuâk him-

bimân manbi ya yengât sâmbâleyingim manop. ⁷ Yawu otmâ Anitâhât lohimbi ya kuk otyingim kerehâk mem lohotņe tuhuyekmâ mem ge katyehop. Mem ge katyekmâ lohimbi hânņan kulemņan manbi ya yengât kunņe manop. ⁸ Yakât otmâ lohimbi nombotņe Anitâhât pat ki otbi yamâ songo yakât nâņgâņetâ yahalop. Yâhâ lohimbi nombotņe Anitâhâlen torokatmâ manbi yaņeâmâ songo ya ki mepaewi ya yengât topyeņe yuwu. Emelâk embâņân Anitâņe hân himbim ki kândikyotgop sâp yanâk lohimbi yaņe biwiyeņe Lama Nanņe kuņetâ muop yâkâlenâk katmâ mannomai yâk yengât Anitâņe nâņgâop. Yâk yengât nâņgâm kutyeņe pepaen kulemgum Lama Nanņe waņmu mem manman kârikņe yakât pat kuyingiop. Yawu. ⁹ Otmu yeņe den kulemguan yu sâlikum topņe nâņgâņetâ keterahâk.

¹⁰ Lohimbi nombotņeâmâ hâhiwin kakņan mannomai. Ya teteyingibe sâmbâ otbuap yan ki misiņguraknomai. Yawu otnomaiân kasalipyenâņe mem pâi emetņan katyeknomai yan sâtgum mannomai. Yâhâ nombotņeâmâ kapamņe mem yongonomai. Ya teteyingibe sâmbâ otbuap yan âlâengen ki arinomai. Ya ihilâk yongonomai. Umatņe ya teteyingiwuawân yakât nâņgâm Yesuhâlen biwiyenâņe kepeim manmâ yâhânomai. Yawu otmâ manņetâ Anitâņe meyekbuap. Otmu umatņe topņe topņe teteyingiwuap yan yakât nâņgâm ki gorâyingiwuap.

Songo sâtņe kârikņe âlâņe lohimbi menduhuyekmâ ikņe kulem bâtyenān otmu meteyenān kalop.

¹¹ Otmu kulem âlâ yuwu tetemu ekban. Songo sâtŋe kârikŋe âlâ ekban yaŋe hân tumuŋambâ pindilakmâ yahalop. Nîlipŋeâmâ lama lokŋahât nîlipŋe ekmain yawuya. Yâhâ denŋe engatŋe yamâ bau hulin yerâmunŋe hâok hâok sâmap yawu. ¹² Otmu yamâ emelâk angoânâk songo sâtŋe kârikŋe ekban yaŋe emelâk mâmâŋe otbaŋgiop. Mâmâŋe otbaŋgiop yâkât lohimbi yaŋe nâŋgâŋetâ yahatmu yâkâlen torokatmâ manŋetgât sâm ekyongop. ¹³ Otmu Anitâŋe mâtâp maŋgum ki mem ge kalop yakât otmâ haonmâ ârândânŋ kulem topŋe topŋe meminiop. Yawu otmâ lohimbi senyenŋan kinmâ sâmu kâlâp pato âlâ himbimâmbâ ge hânân punduŋ sâmu ekbi. ¹⁴ Yawu otmâ yakât lohimbi dondâ yuwu sâm kâityongop. “Yen songo kunŋe sâwâeop yakât umutŋe hâwiŋetâ kundenŋe teteâk.” Yawu sâm yinŋiop. ¹⁵⁻¹⁷ Yawu sâm yinŋimu Anitâŋe mâtâp ki maŋguyinŋiop yakât otmâ yâkât tem lâum umutŋe ya hâwiŋetâmâ mâmâŋe otbaŋgimu yahalop. Yahatmâ ikŋe mepaem manŋetgât den sâm yinŋiop. Den sâm yinŋim lohimbi topŋe topŋe, geheŋe me yahat yahatŋe, kutyenŋe orop me kutyenŋe bia, iri sikum tatyinŋiop me umburuk manbi, ya kerehâk menduhuyekmâ ikŋahât kulem towatŋe bâtyenŋan otmu meteyenŋan kalop. Yawu katyinŋimu yapâ gâtŋaŋe yâkŋak sot me senŋe âlâlâ ya ari puluhunomaihât dop ya teteyinŋiop. Yawu otyinŋimu yâkât nâŋgâŋetâ yahatmu mepaem manbi. Yawu gârâmâ lohimbi nombotŋaŋe yâkât ki nâŋgâŋetâ yahalop yakât otmâmâ matŋe yinŋimu mem muwi. Yawu. ¹⁸ Otmu yeŋe den kulemguan yu sâlikum nâŋgâŋetâ

keterahâk. Yâhâ songo sâtŋe kârikŋe ya tetewuap yamâ dopŋeâmâ 666, dop yaŋeâmâ lok âlâhât kut ya miop. Yawu.

14

Lohimbi kinŋitŋe orowâkŋe Lama Nanŋe otmu Âwâŋe yetgât nâŋgâŋetâ yahalop.

¹ Otmu ya pesuk sâmu kulem âlâmâ yuwu tetemu ekban. Punŋe pato âlâ, kutŋe Sion sâmu, yamâ Yerusalem kapi yan tap yakât dop yamâ himbimân tap. Lama Nanŋe yaŋe yan kinmu ekban. Otmu yanâmâ lohimbi dopyeŋe 144,000 Anitâŋe meyekmâ himbimgât pat kuyiŋgiop yâkŋeâmâ yâkât senŋan kinbi. Kinmâ amboyâhâtyeŋe, Lama Nanŋe otmu Âwâŋe, yâk yetgât kutyetŋe yamâ yeŋe meteyenŋan kulemguakmâ kinbi. ² Otmu sâp yanâk munŋe yuwu tetemu nâŋgâwan. Tâlâm pato âlâ yerâmu munŋe pilâmap yakât dop, me himbim guŋguruŋ sâmu nâŋgâmain dop yawuya, me âlâmâ, lok dondâŋe menduhuakmâ waŋgam kunŋetâ nâŋgâmain yawuya, yaŋe hanjâmbâ gemu nâŋgâwan. ³⁻⁵ Otmu lohimbi 144,000 yaŋe songo papato imbât otmu lok kunŋe 24 yaŋe Anitâhât dâtâpŋan kinbi yâk hawamyongom kinmâ Anitâ mepaem kiki mewanŋiwi. Kiki mewanŋiŋetâ nâŋgâwan. Otmu lohimbi yu yan yuŋeâmâ hânân yuân ihilâk mahilâk ki manbi. Yâkŋe uwawapŋe bia manbi. Otmu den perâkŋe me den guruk ki sâmu manminiwi. Lohimbi yawuyaŋe Lama Nanŋahâlen biwiyenŋe kepeim manmâ yâkât tem lâmu manminiwiŋe Anitâ yet Lama Nanŋe yetgât

pat manbi. Yawu otmâ yâk hawamyongom kinmâ Anitâ mepaem kiki mewanġinjetâ yekban. Kiki yakât topņeâmâ lok ihilâk mahilâk manbi yaņe ki nâņgâwi. Lohimbi Yesuhâlen torokatmâ manbi yâkņak kiki yakât topņe nâņgâm mewanġiwi.

Anitâņe aņelolipņe kalimbu hâņgânyongomu denņe sâm tetewi.

⁶ Kulem âlâ yuwu tetemu ekban. Anitâņe aņelo âlâ hâņgângumu haņâmbâ pâp pâp sâm ari lohimbi hânņan kulemņan mansai yâk yeņgâlen ari yuwu sâm ekyongop. ⁷ “Yeņe biwiyeņe Yesuhâlen katmâ yâkât tem lâum manmâ embâņân aņgoânâk Anitâņe pat kuyiņgiop ya meņet. Anitâņe lohimbi topyeņe ekmâ den sâm hâreyiņgiwe sâm oapġât sâp pesuk sâwomap. Yakât otmâmâ yenâmâ yâkât tem lâuwaņgim yâk konok mepaenjet. Ambonenņe Anitâņe hân himbim kândikyotġop. Otmu âliwahap topņe hânân kalop. Yakât yâk konok mepaem mannomai.” Yawu sâm ekyongop.

⁸ Otmu yakât kakņan aņelo âlâ tetemu ekban. Yâkņe yuwu sâop. “Kapi âlâ, kutņe Bawilon sâm, yakât ambolipņe lohimbi nombotņe hânņan kulemņan manmâ ariwi ya yeņgâlen ariwi. Ari yeņahâk orotmemeyeņe kiņġoņ otbi ya yawuâk otņetġât sâm kendâyiņġinjetâ nâņgâyiņgiwi. Yakât matņeâmâ Anitâņe itit kiom tuhuyekmu kâwurumņe kinâk.” Yawu sâop.

⁹⁻¹¹ Otmu yakât kakņan aņelo âlâ kalimbunje tetem yan den kârikņe halahum yuwu sâop. “Lohimbi nombotņe soņgo sâtņe metņe ikņe otmu yâkât umutņe nahân hâwiņjetâ golâ otmâ yahalop yâk yetġât nâņgâņjetâ yahalop. Otmu yâk

yetgât kulem yamâ bâtyeñan otmu meteyeñan kulemguakmâ mansai ya yeñgât Anitâñe kuk pato otyiñgim gap. Kuk otyiñgimu yakât otmâ lohimbine Lama Nanñe muop yâkât añelo koko salek ya yeñgât senyeñan kinñetâ kâlâp patoñe seyekbuap. Seyekmu sât gum manmâ yâhânomai. In yawu ki pesuk sâyiñgiwuap. Sâp kâlêp seyekmâ yâhâwuap.” Yawu sâop.

¹² Yâhâ yenâmâ biwi nâñgân nâñgânyeñe Yesuhâlen katmâ Anitâhât den lâuwi yamâ ya yawuâk torokatmâ mannomai. Otmu biwiyene yakât galemñe orañgim mannomai.

¹³ Yesuñe Anitâhât gotñan kinopñe yuwu sâ m eknohop. “Yoane. Gâ den yuwu sâ mune kulemgu. Lohimbi biwiyene nâhâlen kepeim mansai yâk yeñgât kasalipyeneñe nâñgâñetâ bâlemu yongom mem âlâlâ tuhuyekñetâ munomai. Yamâ sâp âlâen yâkñe manman kârikñe memâmâ manman sânduhân manmâ yâhânomai.” Yawu sâop. Yawu sâmu Anitâhât Wâtgât mâmâñahât Heakñe yuwu sâ m ekuop. “Bulâñanâk yat. Yâhâmâ Anitâ hoñ bawañgim hâhiwin kakñan manmâ yâhânomai. Yawu gârâmâ hâmbâi Anitâñe nâñgâmu munomai yanâmâ bulâñe yiñgiwuap.” Yawu sâop.

Himbimâmbâ gem lohimbi mem hâwuruyehowot.

¹⁴ Kulem ya pesuk sâmu âlâ yuwu tetemu ekban. Anitâñe Yesu hâñgângumu âwurem gewuap yakât yuwu tetemu ekban. Yesuñe kaperam âlâ goliñe tuhu tuhuñe ya karakmâ, iri goleakmâ, âom kela bâtnanâk tatmu elem kulewoñboñ kakñambâ giop.

¹⁵ Otmu añelo âlâñeâmâ Anitâ yâkâlêmbâ gemu ekban. Otmu yañeâmâ añelo âlâ elem kulewoñboñ

yakât kakņan talop ya yuwu sâm ekuop. “Bâiņ, bonņe memehât sâp yu tâlâhuap. Yakât otmâ âom kela yaņe nak kehetņe mem hâwurum mânunđâ pik sâek.” Yawu sâm ekuop. ¹⁶ Ekumu âom kela yaņe mem mânunņmu pik sâop.

¹⁷ Yawu sâmu yanâk aņelo âlâ Anitâhât opon kâmbukņambâ pilâm giop. Yâkņe tewetņe sâtņe welâk welâk ya mem giop. ¹⁸ Mem gemu yakât kakņanâmâ aņelo âlâ alataen kâlâp um katmin-iop ya pilâm giop. Yaņeâmâ den kârikņe sâm aņelo tewet mem manop ya yuwu sâm ekuop. “Hânân wain kehetņe emelâk purup pato kinsap. Yawu gârâmâ gâņe tewet miakmâ ge hârem bonņe me. Ya mem mendârerâ toņe giâk.” Yawu sâop. ¹⁹⁻²⁰ Yawu sâmu tewet miakmâ ge bonņe ya hârem mem mendâremu toņe yaņe gem hep olop. Hep otmâ waņga âlâ kapi yakât betņan kinop yan ge kinop. Yan ge kinmâ lak sâm moseleakmâ hânân ge pik sâm dengân pato olop. Yâhâ dengân yakât kâlepņeâmâ 300 kilomita yawuya olop. Otmu yakât tumuņeâmâ lok kinmu nekamņan ot-buapgât dop olop. Yakât dopņeâk lohimbņe kun-yeņe kârikņe otmu orotmeme bâleņe otmâ manmâ gai yakât matņe meņetgât Anitâņe pilâyekmu geno-mai.

15

Aņelolipņe nombolân yâhâp yaņeâmâ bumbum âlâlâ ikņiâk ikņiâk mewi.

¹ Otmu yakât kakņan kulem âlâ yuwu tetemu ekban. Anitâhât opon kâmbukņe himbimân tap yakât kâlehen aņelo nombolân yâhâp yaņe kinņetâ

yekmune sâtņe olop. Yawu otmâ anjelo yaņeâmâ bumbum nombolân yâhâp ikņiâk ikņiâk mewi. Yâhâ bumbum yamâ Anitâņe matņe bânņe yingimu meņetâ bialâkgât. ² Ya mem kinņetâ yan saruwân yawuya pato ekban yamâ omoņânâk hewam sikopņe kumu siliņ siliņ sâmu topņe kuririņ sâmap yawuya olop. Yâhâ saru ginņan Anitâhât lohimbi yaņe iliwetmâ songo sâtņe metņe ya, otmu yakât umutņe nahân hâwiņetâ yahatmâ golâ olop ya, otmu songo sâtņe kârikņe lokgât dop 666 ya miop, ya yeņgât den kum mem ge katyekbi yaņe saru ginņan kinmâ buņam tâliwi. ³⁻⁴ Yâhâ Moseņe Anitâhât tem lâum manop yâkât heroņe nâņgâm buņam mem tâliwi. Yâhâ âlâmâ Lama Nanņahât nâņgâņetâ yahatmu buņam yuwu sâm tâliwi.

“O Anitâ, kutdânenņe. Gâ wâtge pato dondâ tatgihiap. Âi memat yamâ mendâ âlepņe nandoroņe otmap. Orotmemehe ekmunņe ae seņ seņ, yae yoņgâe otmap. Gâņe lohimbi topņe topņe yeņgât kunyeņe otmâ tatmâ gaonņak tatmâ gat. Otmu tatmâ yâhâmbisân. Yakât otmâ himbimân taiņe, me nen hânân taiņe gâ konok mepaehekmain. Otmu kut patņe sâm haņ tuhmunņe ârândâņ merândâņ otmâ imap. Gâ konok uwawapņe bia, âiloņgo loņgo tatmat. Yakât otmâ mepaehekmâ yâhânom. Lohimbi hânņan kulemņan manmâ arain nengât tihitnenņe otmat yakât ga mepaehekmâ mannom.” Yawu sâwi.

⁵ Otmu yakât kakņan âlâ yuwu tetemu ekban. Opon kâmbukņe himbimân tap yakât gahatņe ya hindakmâ aņ sâm kinop. ⁶ Aņ sâm kinmuâmâ

Anitâhât welâmŋe ya hawamgum sâŋgum kêlep hikujetâ ge hârândânjâk kinop ya tetemu ekban. Yâhâ yan songo papato imbât mumuhât dop bia hâlânakmâ tatŋetâ yekban. Yâhâ gotyeŋan aŋelo nombolân yâhâp kinbiŋe sâŋgumyeŋe kaok bolan bolan mânujakbi. Otmu dihinyeŋan kâiput goliŋe tuhum âmbâkujetâ giop. ⁷ Otmu lohimbi orotmemeyeŋe kinŋoŋ otmâ manminiwiŋe matŋe mem hâhiwin kakŋan manŋetgât songo pato âlâŋe aŋelo nombolân yâhâp ya kondo konok konok mem yinŋimu mewi. Otmu kondo ya kêlehen bumbum topŋe topŋe âlâku ikŋiâk ikŋiâk yaŋe pik sâm iop. Yakât Anitâ manman ambonaŋe matŋe sâm yinŋiwuapgât kondo ya mem kinbi. ⁸ Yawu otmâ kinŋetâ yan Anitâ lanŋiŋe ambonaŋe ikŋe wâtŋe pato tatbanŋimapŋe kuk bâleŋe olop. Yawu otmu opon kâmbukŋahât kêlehen utun bâleŋe sahaŋop. Utun sahakmâ manŋumu opon kâmbukŋahât kêlehen yâhânomaihât dop ki olop. Yawu otmu aŋelo nombolân yâhâp yaŋe kumâmâ bumbum bâleŋe moseleŋetâ ge lohimbi bâleŋe yeŋgâlen teteop. Otmu yakât kakŋanâmâ kêlehen yâhânomaihât dop ya teteop.

16

Bumbum moseleŋetâ ge lok bâleŋe yeŋgâlen umatŋe topŋe topŋe teteop.

¹ Anitâŋe aŋelolipŋe nombolân yâhâp ya yuwu sâm ekyongop. “Yen gemâmâ matŋe yinŋiwom yakât bumbum teteyinŋiâkgât moseleŋetâ giâk.” Yawu sâm hânŋânyongomu gewi. ² Aŋgoân hânân moselemu giop yakât topŋeâmâ yuwu. Lohimbi nombotŋaŋe songo kêrikŋe yakât kulem towatŋe

meteyenjan tuhuangim nahân umutņe hâwiņetâ yahatmâ golâ olop ya mepaewi. Komot yaņeâmâ bitâp me use kârikņe ya teteyiņgiâkgât bumbang ya hânân moselemu giop.

³ Yâhâ aņelo yâhâpņeâmâ kondone mem saruân moselemu giop. Moselemu gemu saru yamâ lok hiliwahonjetâ hepyeņe gam gara gara otmâ korokņe pilâmap dop yawu olop. Yâhâ saruņe hep gara gara olop yakât kâlehen senņe âlâlâ tatbi yamâ kerek mum metewi.

⁴ Yâhâ aņelo kalimbuņe kondone mem to senņan moselemu giop. To senņan moselemu giop yamâ aksihâk hep otmâ meteop. ⁵⁻⁶ Moselem yan Anitâ yuwu sâm ekuop. “O Kutdâne, gâ embâņâmbâek tatmâ gamat. Otmu tatmâ yâhâmbisân. Yâhâ lohimbi bâleņe kunyeņe kârikņe otmâ gâhât hâkâņ otmâ orotmeme bâleņe otmâ manminiwi ya kerekņe matņe mem mum metenjetgât hâņgânnohorâ ge moselemune giap. Moselemune gemu yan gâņe den sâon yakât bulâņe teteap ya nâņgâmune ârândâņ oap. Yâhâ poropetelipge nombotņe yongom mem âlâlâ tuhuyekņetâ muwi. Muņetâ yan hepyeņe hânân giop yakât matņe gâņe hep bâleņe yu yingirâ neņetâ dopņan oap. Ya nâņgâmune ârândâņ oap.” Yawu sâop. ⁷ Yâhâ alata amutgen kinbiņe Anitâ yuwu sâm ekuņetâ nâņgâwan. “Bulâņanâk Anitâ Kutdânenņe gâ wâtge kârikņe tatgihimap. Yakât otmâ den âiân katyekmâ matņe yingirâ miai ya ekmunņe dopņanâk oap.” Yawu sâwi.

⁸ Yâhâ aņelo imbâtņe kondone mem sikowân yan moseleop. Moselemu Anitâņe sâmu sikop

yamâ pilâm irik irik sâ m kâlâpne sem lan lan sâmap yawu otmâ sem meteyehop. ⁹ Otmu kâlâp pato yaņe punduņ sâ m lohimbi ya dondâhâlâk seyehop. Sem bâleyekmu nâņgâm nâņgâm iliwetmâ Anitâ bumbum amboņe yakât awat pilâwaņgiwi. Yawu otmâ yâkâlen biwiyenāņe ki kepeiwi.

¹⁰ Yâhâ aņelo momeņe yaņeâmâ bumbum âlâ moselemu sonġo sâtņe metņe yâkât kawenān giop. Gemu omoņ pato kum kepeim imu benņe lohimbi yâkâlen torokatbiņe hâhiwin pato nâņgâm nimbilamyenē pāņan ihm hâreakbi. ¹¹ Yawu otmâ kunyenē kârikņe otmâ Anitâ himbim amboņahât awat pilâwaņgim orotmemeyenē bâlenē ya witgum otmâ manbi.

¹² Yâhâ aņelo nombolân konokņe kondone mem to âlâ, kutņe Euparata sâ m, yan moselemu giop. Moselemu gemu to yaņe aksihâk saņ kititiņ sâop. Saņ kititiņ sâmu yan lok kunņe nombotņe emetsenņe gahaņembâ takanomai ya yenġât mâtâp meyiņgiop. ¹³ To ya saņ sâmu yan puaia yakât launambâ weke bâlenē yamâ kesuņ pâlâmņe yawuya gemu ekban. Âlâmâ nakņe mem umutņe hâwiņetâ yahatmâ golâ olop yakât launambâ kionmu ekban. Âlâmâ poropete âlâ den perâkņe sâ m kâityongop yakât launambâ gemu ekban. ¹⁴ Otmu weke bâlenē dondâ yaņeâmâ kulem topņe topņe ya mewi, yaņeâmâ lok kutdâ bâlenē yâk yenġâlen arim kapamġât kuk teteâkġât mâmâņe otyiņġetâ Anitâ kum mem ge katne sâ m yakât menduhuakbi. Yawu tetemu ekban.

¹⁵ Yâhâ den âlâ Yesuņe yuwu sâop ya sâwe. “Nâņe hâmbâi pârâk sâ n sâ nâk takawom. Otmu nâhât

pat mansai yenâmâ hewewen otmâ âlâlâyeŋe ya mem dunĵan tuhuakmâ mambotnihim mannomai. Aman pâlmnje ki inomai. Yenâmâ biwi nâŋġân nâŋġanyeŋe galemahom nâhât mambotmâ mitiwahom mannomai. Yawu otmâ manġetâ nâ takawom yan ki aŋulaknomai. Yawu otmâ herone otmâ manmâ yâhânomai.” Yawu sâop.

¹⁶ Otmu kapam tetewuap yakât den âlâ torokatmâ sâwe. Weke bâlene yaŋeâmâ lok kutdâ dondâ mâmâŋe otyiŋġiŋetâ kapi âlâ, kutŋe Amaheron sâm, yan menduhuakbi.

¹⁷ Yâhâ aŋelo nombolân yâhâpŋaŋeâmâ kondone ya haŋân moselemu gemu yanâk Anitâŋe yuwu sâmu nâŋġâwan. “Bâiŋ, pesuk yap.” ¹⁸ Yawu sâmu yanâk belek sâmu himbim ġuŋġuruŋ sâop. Himbim ġuŋġuruŋ sâmu yanâk mososon pato miop. Mososon nombotŋe memap yakât dop bia, wangim dondâ miop. ¹⁹ Otmu kapi pato, kutŋe Bawilon sâm, yan orotmeme bâlene dondâ otmâ manminiwi. Yakât Anitâŋe nâŋġâmu bâlemu matŋe meŋetġât sâmu mososon pato memu Bawilon kapi ya hionakmâ komot kalimbu otbi. Otmu ya hâlâŋmâ kapi tatbiâ yamâ biatmu kâwurumyeŋaŋak kinop. ²⁰ Otmu saru tânâmŋan mâtuŋa pato tipine tatbi yamâ aksihâk guhulakmâ meteop. Otmu pumŋe gimbâŋe ya hâlâŋmâ talop ya gurâ bâok sâm gulip otmâ meteop. ²¹ Yawu otmu kât kârikŋe kândâk kândâk ġiop. Yaŋe gemâmâ lohimbî nombotŋe kât yaŋe kum tâtuk meyehop. Yâhâ nombotŋe âlâmâ kunyeŋe kârikŋe otmâ Anitâhât awat pilâm sâm bâlewanġiwi.

17

Imbi kondarâ yâkât topņe

¹ Anjelo nombolân yâhâp yaņe kondoyeņe mem manbi ya yeņgâlen gâtņe âlâņe yuwu sâm eknohop. “Garâ arire. Yu tetemu eksat yukât pâņe konok topņambâek nâņgâhât tiripgohomune ek. Imbi yuâmâ imbi kondarâ. Yâkņe ihilâk mahilâk manmâ to hâlâņmâ kinsap. Yâhâ yiwerene tosaņahât matņe Anitâņe waņmu hâhiwin pato nâņgâm yâhâwuapgât dop oap. ²Yawu gârâmâ imbi kondarâ yukât topņeâmâ yuwu sâmune nâņgâ. Lok papato seseņgâlâkņe imbi kondarâ yukâlen torokatmâ yâk orop senņe âlâlâ anņi guņgi otbi. Otmu orotmemeņe bâleņe otminiop ya yawuâk otmâ manbi. Yawu otbi yakât otmâ yaņe biwiyene mem hâlim tuhuyekmâ gaop. Topņe yakât otmâ garâ tiripgohomune ek.” Yawu sâop.

³ Yawu sâm dâinekmâ pumņe âlâ lok ki man-maiângen yâhâwit. Yan yâhâmutņe Anitâhât Wâtgât mâmâņahât Heakņe biwine mem purik pilâmu kulem âlâ yuwu tetemu ekban. Imbi kondarâ yaņe soņgo sâtņe metņe yakât kakņan yâhâmu yaņe sokom talop. Soņgo yamâ kuriņ. Otmu yakât ņilipņe yamâ bāt nombot nombot hârok. Yâhâ kunņeâmâ nombolân yâhâp. Yaņe Anitâhât kaweņan kinbe sâm ikņe kutņe konok konok kulemguakmâ talop. ⁴ Otmu imbi yaņeâmâ sâņgum kuriņ hârândâņâk mânuņahop. Mânuņakmâ karaņ karaņ hahitņe tuhunețâ âilonņo nan-doroņe olop ya pilahop. Otmu kâiput goliņak tuhu tuhune ya âmbâkuahop. Otmu bâhârâ yamâ goliņak tuhumiop. Bâhârâ memi yanâmâ orotmemeņe

kingon topne topne ya ikne manmannahât bonne yaŋe yan pik nâtâk nâtâk sâŋ iop. ⁵ Yâhâ metenânâmâ ikne kutne ya kulemgumu talop. Kut yamâ yuwu. “Bawilon kapi ambolipnane orotmeme kingon otmâ gawi. Yâhâ imbilipyene yamâ imbi kondarâ. Yâk yengât mâmâyene yamâ nâ.” Ikne kutne metenân yawu kulemgumu talop. Yâhâ kut ya lok âlâne ekmâ nângâwuapgât dop bia. ⁶ Imbi yaŋeâmâ emelâk lohimbi nombotne biwiyene Anitâhâlen katmâ Yesuhât nângânetâ yahalop yamâ kerek sâmu yongonetâ muwi. Yon-gonetâ muŋetâ yan imbi yaŋeâmâ yekmu âlepne otmu biwi hâlim pato olop. Yawu otmu ekmune sâtne otmu pârâk pilâwan.

⁷ Otmu aŋeloŋe yuwu sâŋ eknohop. “Girawuhât nângârâ ki orotne oap? Imbi yuâmâ songo sâtne metne yaŋe sokomap. Yâk yetgât topyetne yuwu sâmune nângâ. ⁸ Songo sâtne eksat yukât topneâmâ yuwu. Yâhâmâ emelâk hem nâpumân kionmâ gulip olop. Yapâ gâtne hâmbâi yâhâpne yahatmâ gawuap. Gamâmâ lohimbi nombotne Anitâhâlen ki torokatmâek yaehen manmâ gai. Ya yengât kutyene yamâ emelâk Anitâne hân himbim ki kândikyotgowân manman kâriknahât pepaen Yesune ki kulemgum kalop. Lohimbi yaŋe songo sâtne ya ekmâ yuwu sânomai. “Bâe, yuâmâ emelâk manmâ gam gulip olop. Yaŋe yâhâpne yiwerene teteap.” Yawu sâŋ nângânetâ âilonŋo lonŋo otbuap.

⁹ Otmu aŋeloŋe torokatmâ yuwu sâŋ eknohop. “Den yan yukât bulâne tetewuap yakât topne ekmâ nângânimai. Kunne nombolân yâhâp yamâ pumne nombolân yâhâp yakât dop. Yâhâ

imbi yakât dowâmâ kapi pumņe nombolân yâhâp yakât tânâmņan talop ya. Yâhâ pumņe nombolân yâhâp yakât dop yamâ lok kutdâ nombolân yâhâp. ¹⁰Yâhâ lok kutdâ yamâ momerâ yaņe muwi. Yawu gârâmâ âlâmâ nombolân konokņe sâp yiwerene yu galemyene otmâ mansap. Yâhâ baine yamâ hâmbâi tetewuap. Yâhâ tetewuap yanâmâ sâp tâlâwâk galemyene otbe mâne Anitâne sâmu mumbuap. ¹¹Yawu gârâmâ songo sâtņe yamâ angoânâk manmâ gaop. Yâhâ yiwereneâmâ ki mansap. Gâmâlâhâmâ yahatmâ lok kutdâ nombolân yâhâp yâk yengâlen torokatmâ nombolân kalimbuyene otmâ manbuap. Manmâ yâhâm kâlâwân arimu pesuk sâwuap. Topņe yawu.”

¹² “Otmu ñilipņe bāt nombot nombot hârok yeksat yamâ lok kutdâ bāt nombot nombot yâk yengât dop oap. Yâkņe yiwerene ki mansai, hâmbâi tetenomai. Tetem manņetâ songo sâtņe yaņe mâmâņe otyingimu orowâk torokatmâ tatmâ yâhânomai. Yâkņe galemyene otmu sâp tâlâwâk mannomai yakât kakņan mum biatnomai. ¹³Yâhâ mannomaiân nângân nângânyeņe hikuakmâ songo sâtņe yamâ yâkât wâtņan kinmâ yâhânomai. ¹⁴Yâkât wâtņan kinmâ yan Lama Nanņe mum yahalop ya kune sâm yâk orop kasa orangim mannomai. Yamâ Lama Nanņeņe mumuņambâ yahatmu âwâņeņe sâmu wâtņe pato nandorņe tetewangiop. Yawu otmâ lok topņe topņe manmâ gai ya yengât kunyeņe otmu lok kutdâ ya yengât kunyeņe pato mansap. Yakât otmâmâ kasalipņe yongom mem ge katyekbuap. Yâhâ lohimbi yaņe biwiyeņe yâkâlen katmâ manņetâ yakât Anitâne

ikne pat kuyiŋgiop yâhâmâ yâkne lok kutdâyene pato oapgât yâkâlen torokatmâ kasalipyene yongom pesuk pilâyeknomai. Yawu.”

¹⁵ Otmu aneloŋe torokatmâ yuwu sâm eknohop. “Yoane gâ emelâk eksat. Imbi kondarâ yamâ to hâlânâmâ kinsap. Yâhâ to yakât dopneâmâ yuwu. Lohimbi komotne komotne hânŋan kulemŋan manmâ den topne topne sâmai ya yengât dop oap. ¹⁶ Otmu ŋilipne bât nombot nombot hârok eksat yamâ lok kutdâ yâk yengât dop oap. Yâkne sonjo sâtne metne yâkâlen torokatmâ imbi kondarâ ya kasa otbaŋginomai. Kasa otbaŋgim imbi yakât lembân tâkne ya mem holaŋbaŋginomai. Mem holaŋbaŋŋetâ hâk barak kinbuap. Yawu kinmâ itit kiom tuhuŋetâmâ kâwurumŋaŋak kinbuap. ¹⁷ Otmu yamâ inâk ki tetewuap. Anitâne biwi nânŋân nânŋânyenjan ya katmâ mem hewewenjuhuyekmu sonjo sâtne ya orowâk menduhuakmâ imbi kondarâ ya mem ge katnomai. Anitâne sâop yakât bonneâmâ yawu tetewuap.

¹⁸ Otmu imbi kondarâ yamâ kapi pato tap yakât dop. Kapi pato yakât patoyeŋeâmâ lok kunne hânŋan kulemŋan tatmâ arai yâk yengât kunyene otmâ tatmap.

18

Anitâne sâmu Bawilon kapi kâwurumŋaŋak kinop.

¹ Kulem ya pesuk sâmu yakât kakŋan kulem âlâ yuwu tetemu ekban. Anelo âlâ himbimâmbâ gemu ekban yakât wâtne pato tatbaŋgiop. Otmu gem yan yâkât laŋinŋe pato yaŋe hânân pilâmu

lanj lanj sâop. ² Yâkne kârikne halahum yuwu sâop. “Kapi kutne Bawilon yamâ emelâk kâwurumnanjak kinsap. Yiwereneâmâ weke bâlene dondâ mansai. Otmu nâi bâlene ki neneje, sopnan hepdâek, sâmâi dop yawuya, ya pik sâm iap. ³ Emelâk lohimbî kinğitne orowâkne yâk yengâlen torokatmâ orotmeme kinğonj otmâ gam biwi hâlim otbi. Yawu otmâ manbi. Yâhâ lok kutdâne gurâ yawuâk orowâk orotmeme bâlene ya otbi. Lohimbî nombotnane yâku anği gunği otne sâmâmâ yawuâk yan torokatmâ hângât senne âlâlâ otmu bâlene topne topne otmâ manmâ gamai yawuya Anitâne kerehâk yongom tâtuk meyhoph.”

⁴ Yawu sâmu Yesune yuwu sâop. “Yen nine komot Bawilon kapiân mansai ya yuwu sâmune nânğânet. Bawilon kapi ambolipnane orotmeme bâlene me kinğonj ya otmâ manmâ gamai yakât matne yinğimune hiliwahonomosai. Yawu gârâmâ yen orowâk yongomaingât orotmeme bâlene ya pilâm pilâyekmâmâ nâhâlen ga torokatmâ mannet.” Yawu sâm ekyongop.

⁵⁻⁶ Yawu sâm anjelolipne yuwu sâm ekyongop. “Kapi yukât ambolipnane orotmeme bâlene otbi yakât topne Anitâne kerek nanğap. Yakât otmâmâ matne yu yinğiap. Kapi yu ambolipne yengât orotmeme yamâ imbi kondarâ yengât orotmeme yawuya. Ya nânğâmune dondâ bâleap. Otmu kasalipyene mem bâleyekbi. Yakât matne yâku yakât dopnanâk mem purik pilâm yinğinomai. Emelâk kapi ambolipnane menduhuakmâ orotmeme bâlene ya otbi. Yakârâmâ yâku kârikne otmâ matne kâpekyinğinomai. ⁷ Yâhâ emelâk kapi am-

bolipņane hop sambe kakņan manmâ yeņahâlâk nâņgâņetâ yahatmu hâmeyeņe bitminiwi. Yakât yengu matņe tâņ tâņâk purik pilâm yiņginomai. Yawu otnomai yakât kakņanâmâ yâkņe dondâ isem buiakmâ mannomai. Yâhâ yiwereneâmâ ambolipņane biwiyeneņe yuwu naņgai. “Bâe, nenâmâ yiwerene hop sambe kakņan mansain. Yawu manmâ lohimbi dondâ tânyongom mansain. Yâhâ imbi nombotņane kambut manmâ tep bâle nâņgâm isem mansai. Yâhâ nenâmâ umatņe âlâ hâtnongowuapgât dop âlâ ki tap. Yakât otmâ hâk sânduhânâk manmâ yâhânôm. Tep bâle nâņgâm ki isem buiaknom.” Yawu naņgai. ⁸ Yakât otmâ sâmunne pârâk sân sânâk umatņe bâleņe topņe topņe yâk yeņgâlen tetewuap. Po pato tetewuap. Me bumbum, me aman kundat, me aman mesek topņe topņe ya teteyiņgimu hâhiwin pato nâņgâm isem buiaknomai. Isem buiakmâ manņetâ yan kasalipyeneņe taka itit kiom tuhuyekmâ kapiyene uņetâ sewuap. Yakât umatņe ya yiņgiwomgât dop tap.” Yawu sâop. Sâop yawuâk tetemu ekban.

⁹ Kasalipyeneņe taka kapiyene uņetâ siowân yanâmâ lok kutdâne aņgoânâk manmâ gawiân orotmeme bâleņe Bawilon kapi ambolipņe ya orop otmâ gawi yaņeâmâ kâlepņan kinmâ kapi patoen ekņetâ kâlâp sem utun duk duk sâm yahalop. Utun ya ekmâ yan isem tep bâle otmâ biwiyene ahoakbi. ¹⁰ Yawu otmu ekmâ kiņgityeņahât otmâ kâlepņan kinmâ ekmâ yuwu sâwi. “Bâe, bâe, Bawilon kapi patoen yan hop sambe pato kinop. Yâhâ yiwereneâmâ pârâk sân sânâk kasalipyeneņe taka matņe yiņgiai. ¹¹ Yâhâ aņgoânâmâ yâk orop senņe âlâlâ aņgi guņgi otmâ gem yâhâm manbi.

Yâhâ yiwereņeâmâ emelâk manbi ya pilâm hou latmâ mansai.” Yawu sâm tep bâle otmâ isewi. ¹² Yâhâ torokatmâ yuwu sâwi. “Anġoânâmâ Bawilon kapi pato yakât biwiņan hop sambe pato iminiop. Ehekņe ki ehekņe, nâņġân nâņġânņe ki nâņġân nâņġânņe, senņe âlâlâ topņe topņe tuhuwi. ¹³ Yawu tuhum mem manņetâ wuân me wuân âlâhât pân guin âlâ bia, senņe âlâlâ topņe topņe ya kerehâk tatyņgiop. Otmu kapi kârikņe bâleņe. Kasalipyenęe mem ge katyekņetâ yâk yengât amutgen manmâ hoņ bayiņġim gawi. Yâhâ sâp yiwereņe yuâmâ kerek biatyņgiap.

¹⁴ Bâe, senņe âlâlâ topņe topņe mem hop sambe kakņan manminiwi. Yâhâ nep topņe topņe torokatmâ tuhuwi yiwereņe ya emelâk biatmâ kititiņ yap. Otmu senņe âlâlâ yu me ya ekņâlem anġi ġuņġi otmâ manbi. Ya ġurâ kerek kititiņ yap. Otmu yukât kakņan yâhâpņe âlâ torokatmâ tetewuapġât dop âlâ ki tap,” yawu sâwi.

¹⁵ Otmu lok nombotņe kapi kâlepņehembâ taka yan âi topņe topņe tuhum hâmeņe papato meminiwi yaņeâmâ “Kâlâp yuņe punduņ sâm senenekmap,” sâm yakât kâlepņehen kinmâ ekbi. ¹⁶ Yawu ekmâ kinmâ yuwu sâwi. “Bâe, bâe, kapi yuâmâ aksihâk kiom balu balu oap. Emelâhâmâ Bawilon ambolipņe, me buku nombotņe kâlepņehembâ takawi yanâmâ hâk katipņe kulem topņe topņe yawuya mânunġakmâ manminiwi. Otmu kâiput topņe topņe ya ġoliņak tuhum âmbâkuakbi ya ekņâlem yawuya mem bam gam otbi. ¹⁷ Yawu otminiwi yakât matņeâmâ yiwereņe yu meņetâ eksain.” Yawu sâwi.

Otmu wanğa ambolipņe, me nep loklipyenaņe wanğaen kinmâ ekbi. Otmu nep lok nombotņaņe hikinângen kinmâ ekbi. ¹⁸ Lok ya kerehâkņe kâlepņan kinmâ senyenajak pilâm ekmâ yuwu sâwi. “Bâe, kapi yan ya yu mon? Senņe âlâlâ ya kerehâk gulip otmâ meteap. Hâpuwân pekatņe sem yawu tuhuap. Bâleņe dondâ oap.” Yawu sâwi. ¹⁹ Yawu sâņetâ biwiyene orotok sâop. Otmu yakât tep bâle nâņgâm yan kou kendâm ahowi. Isem tep bâle nâņgâm yan torokatmâ yuwu sâwi. “Bâe, kapi pato enda eksain. Endaņe âlâlâ ya kerehâk biatmâ kititiņ yap. Yamâ nen wanğa ambolipņe âlâengembâ tohom kapi yanâk anġi guņgi otmâ yapâ tewetsenņe pato dâim hop sambe kakņan manne sâm gain. Ya yiwerene kâlâpņe mem hote alikņe tuhuap. Yakât girawu otnom? Me wosapâ ari tewetsenņe yawuya menom? Ya pesuk yap yukâ.” Yawu sâm isem buiakmâ kinbi.

²⁰ Yawu teteyiņgiop yakât aņelo yaņe yuwu sâop. “Yen emelâk poropete nombotņe manbi, otmu aposolo manbi, otmu Anitâhât komot otmâ yâkâlen torokatmâ manbi, yenâmâ kapi yu ambolipņaņe kasa otyiņgim mem gem katyekbi. Mem ge katyekņetâ yakât matņe yu Anitâņe yiņgiap yakât yen herone kakņan manmâ yâhânomai.” Yawu sâop.

²¹ Yawu sâmu aņelo wâtņe kârikņe tatbaņgiopņe kât pato âlâ mem yahatmâ saru tumuņan pilâmu giop. Gemu yanâk yuwu sâop. “Nâņe pilâmune giap. Yakât dopņeâk Anitâņe kapi pato Bawilon yukât ambolipņe ya yawuâk pilâyekmâ gem tepyene kum huhumu gulip oai. Gulip otņetâ

kâwurumyenajak kinsap. 22-24 Emelâhâmâ Bawilon yan imbi angi gunji otmâ manbi. Otmu kepgât senje âlâlâ topnje topnje mem ekjâlem kinmâ oŋ giriŋ kakŋan manbi. Hop sambe kakŋan manbi. Âli hawat topnje topnje ya meŋetâ lohimbi dondâŋe ya ekmâ yu bonje mon sâm yan nâŋgâm tâpikgum manmâ gawi. Yakât otmâ lohimbi hânŋan kulemŋan tatmâ ariwiŋe yâk yengâlen torokatmâ biwiyeŋe hikuakmâ manbi. Yawu manmâ gam hop sambe pato teteyiŋgimu âlâlâhât ki pâinmâ manbi. Otmu herone otmâ buŋam me kep topnje topnje tuhum enjat nombotŋe watmâ yakât yeŋahât sâm mepaeakmâ manbi. Otmu yeŋahât nâŋgâŋetâ yahatmu hâkyeŋe mepaeakmâ manbi. Yakât otmâmâ Anitâ poropeteliŋe nombotŋaŋe yâkât den sâm tetem ekyongowi. Den sâm ekyongonjetâ nâŋgâŋetâ gemu yongonjetâ kerehâk mum metewi. Emelâk Anitâhât komot ya mem ge katyekmâ mem âlâlâ tuhuyekbi yakât matŋeâmâ yâku yu teteyiŋgiap. Sâp yiwereŋe yuâmâ manman ya emelâk biatmâ kititiŋ yap. Emelâk hân yuân torokatmâ âi topnje topnje mem yeŋahât nâŋgâŋetâ yahatmu manmâ gawi. Sâp yiwereŋe yu gurâ biatmâ kititiŋ yap. Kapi yu yâhâpŋe mem miwirikuŋetâ tetewuapgât dop âlâ ki tap. Yawu.” Yawu sâop. Aneloŋe kât pilâmu saru tumuŋe kâlehen giop yaŋe yakât topnje sâm teteap.

19

Anitâŋe matŋe yiŋgiop yakât otmâ ikŋe lohimbiŋe mepaewi.

1 Ya ekmune pesuk sâmu yakât kakņan den âlâ yuwu nâņgâwan. “Lohimbi kiņgitņe orowâkņe menduhuakmâ tatmâ Anitâ otmu Kutdânenņe Yesu yâk yetgât gotyetņan kinmâ Anitâ heroņe otbaņgim yuwu sâm mepaewi. 2 “O, Anitâ, Wâtgât Amboņe, Gâņe yu ya otbe sâm ya otdâ âlepņe nandoroņe otmap. Tihitnenņe otdâ gâhât amutgen manman sânduhân manmâ yâhânôm. Yâhâ imbi kondarâ yâkņe orotmeme bâleņe otminiop. Otmu buku nombotņane yawuâk otņet sâm kendâyিংim gaop. Yakât matņe gâņe yu waņdâ memu pesuk yap. Yawuhât mepaeheksain. Otmu gâhât komot nombotņe gâhâlen biwiyenņe kepeim manbi yamâ imbi kondarâ yaņe kasa otyingim yongomu muwi. Yakât gâņe matņe yu waņmu memu pesuk yap. Yakât otmâ gâ mepaeheksain. 3 Gâņe kapi pato yu ambolipņe matņe yingimu kâwurumņanak kinsap. Yukât kakņan yâhâpņe miwirikum torokatmâ mannomaihât dop âlâ ki tap. Yakât otmâ heroņe otgihiain.” Yawu sâwi.

4 Otmu lok kunņe 24 otmu songo papato mumuhât dop bia yaņe Anitâ mepaem yuwu sâwi. “Âlepņe dondâ nenņe Anitâ konok mem mepaene. Ya bulâņanâk.” Yawu sâwi.

5 Otmu yâk yengâlen gâtņe âlâņe yuwu sâmu nâņgâwan. “Yenâmâ Anitâ hoņ bawañgim lauņe lâum yâkâlen biwi nâņgân nâņgânyenņe kepeim mansai. Yen lok topņe topņe, lok geheņe me kutyeņe orop, yen kerehâk menduhuakmâ Anitâ konok sâm mepaem manņet.” Yawu sâwi.

6 Yawu sâņetâ yanâk den âlâ yuwu

tetemu nângâwan. Himbimân gâtne dondâne menduhuakmâ tatmâ Anitâ mepaenjetâ munyenje nângâwan. Munyenjeâmâ himbim gunğuruñ sâmap yawu, me to tâlâm pato yerâmu munje pilâmap yawu. Yawu otmâ yuwu sâwi. “O, Anitâ, Kunnenne pato, Manman Amboñe, gâñe tihitnenne otmâ tatmâ yâhâmbisân. Yakât otmâ gâ mepaeheksain. ⁷⁻⁸ Otmu lohimbi miakmâ herone otmâ mansai yakât dopneâk gâñe lohimbi nombotne Lama Nanñe yâkâlen biwiyenñe kepeim manmâ gawi yakât pat kuyiñgiop. Pat kuyiñgiop ya Lama Nanñe meyekmâ ikne manman kapiân mem ari katyekmu heron maron otmâ manmâ yâhânomai. Yakât sâp yu tâlâhuap. Yâhâ lohimbilipne sângum kaok bolan bolan mânunjakmâ mambotmâ kinsai. Sângum kaok mânunjakmâ kinsai yamâ manman uwawapne bia manmâ gawi yakât dop. Yakât otmâ mepaeheksain.” Yawu sâwi.

⁹ Yawu sâñetâ añelone yuwu sâm eknohop. “Den yuwu sâm ekgohomune kulemgu. “Lama Nanñe yiwerene lohimbilipne pat kuyiñgiop yâk orop meyekmâ bât kuanğim heron maron otmâ yâhânomai yakât sâp tâlâhuap. Lama Nanñe yakât bulâne mem tetemu lohimbine yâk orop biwiyenñe kepeiakmâ konohâk otmu herone kakñan manne sâm oai yakât sâm ekyonğorâ tep âlep nângâñet.” Den ekgohoan yuâmâ Anitâne sâop.” Yawu sâm eknohop.

¹⁰ Den yawu sâm eknohomu nâne añelohât gotñan bam mepaewe sâm otban. Yawu otmune yuwu sâm kunihiop. “Kâmbuk. Pilâ. Gâ otmu

gâhât bukulipge yenâmâ Anitâhât hoŋ bawa, Anitâhât lauŋe Îaum hoŋ bawaŋgimai. Otmu nâ gurâ yawuâk hoŋ bawaŋgiman. Yesu yamâ Anitâhât nanŋe bonŋe. Den ekgohoan yuâmâ Anitâhât Wâtgât mâmâŋahât Heakŋe mâmâŋe otnihim biwine mem hoŋ hoŋ tuhunekmu den yu ekgohoan. Yawu gârâmâ yen me nâ yamâ Anitâ otmu Yesu yâk yetgâlâk nâŋgâm mepaeyelekmâ yâhânom.” Yawu sâmb eknohop.

Sonŋo sâtŋe metŋe bukunâit pilâyeleketâ hemân giowot.

¹¹ Himbim pâroŋ sâmbu yakât biwiŋan yuwu ekban. Beâsi kaok kaok âlâ ekban. Lok kakŋan talop yakât topŋeâmâ yuwu. Anitâŋe âi sâmb waŋop ya biwiŋaŋe kepeim galemgum heŋŋeŋgumap. Yâhâ lok yeŋgât orotmemeyeŋe sâmbuap ya bulâŋanâk. Yâkŋeâmâ lohimbi den âiân katyekmâ mem kâsipyongowuap. Mem kâsipyongomu ârândâŋ merândâŋ otbuap. Yâhâ yâkŋeâmâ matŋe menomai yakât topŋe katbuap. ¹² Yâkât senŋeâmâ kâlâp nimbilamŋe yawuya. Yâhâmâ lok kutdâŋe ŋerendenŋe goliŋak tuhuwi yawuya yaŋe kunŋan horatbaŋŋeŋetâ tatmu ekban. Yâhâ ikŋe kutŋe yamâ ikŋahâk naŋŋaŋgimap. Lok âlâŋe ki nâŋgâwaŋgimap. ¹³ Yâhâmâ sâŋgum kaok kâlêp mânunahop yaŋe ge hârândâŋ sâmb kinop yamâ hepŋak pato. Yâkât kutŋe âlâmâ yuwu sâmbai. “Anitâhât Kâi Toka.” Yawu.

¹⁴⁻¹⁶ Otmu lohimbi bâleŋaŋe matŋe meŋetgât Anitâŋe sâmb yakât otmâ lauŋambâ tewet sâtŋe nombot nombot nelaŋ nelaŋ yaŋe ge kinop. Yaŋe mem lohimbi sambe galemyongom hâhiwin

yingimu umutyene arimu kingityenahât otmâ hu halak tuhuwi. Otmu sângum kaok yan otmu ârânan yuwu kulemgujetâ talop. “Lok topne topne manmâ gai ya yengât kunyene. Otmu lok kutdâ ya yengât kunyene pato mansap.” Yawu kulemgujetâ talop. Otmu yâkne sâmu himbingât kapam lok dondâne yâkâlen menduhuakbi. Menduhuakmâ yanâmâ hâk katipne kaok bolan bolan ya mânunakmâ beâsi kaok kaknan tatmâ hawamgum Kutdâene orowâk lok bâlene yongone sâm tohowi.

¹⁷ Menduhuakmâ tohojetâmâ anelo âlâ tetemu ekban yañeâmâ sikop senjan kinop. Sikop senjan kinmâ kâe kâe nombotñane pâp pâp sâm hanân gam ariwi ya yongonmâ yuwu sâm ekyongop. “Anitâne sâp pato kalop ya tetewe sâm oap. Yakât otmâ yen kerek taka menduhuakjet. ¹⁸ Yâhâ lok bâlene komotne komotne beâsi kaknan tatmâ taka ahone sâm oai. Ahom yan himbingât kapam lokne yongom tâtuk meyeknomai. Yongom tâtuk meyeknetâmâ yene taka nem meteyeknomai.” Yawu sâm ekyongop.

¹⁹ Yâhâ songo sâtne metne otmu lok kutdâ manbi yâkne kapam ku ku loklipyene ya hâruekjetâ kerehâk yongone sâm menduhuakbi. Yakât otmâ lok beâsi kaknan talop, kutne “Anitâhât Kâi Toka,” yâkne ikne kapam lok hâruekmâ orowâk menduhuakmâ yongone sâm otbi. ²⁰ Yâhâ songo sâtne metne yane ikne hon bawa ya angoân mâmâne otbangimu yâkne kulem topne topne mem lohimbi kâityongop. Kâityongom ikñahât kulem towatne bâtyenjan otmu meteyenjan towat

kalop. Yakât otmâmâ lohimbi kiŋgitŋe orowâkŋe yâk yetgâlen torokatmâ sonjo sâtŋahât umutŋe hâwim mepaeyelekbi. Yawuhât himbimgât kapam lok yaŋe yâhâp yâhâp ya pilâyelekŋetâ hem topŋehen yaken gemutâ kâlâpŋe seyelehop. ²¹ Otmu lok beâsi kakŋan talop yâkât launjambâ tewet kâlep, sâtŋe nombot nombot nelan nelan yaŋe mem kasalipŋe hâreyekmu mum metewi. Mum metenjetâ kâe kâeŋe taka nem meteyekbi.

20

Satan ya kum sâhâm pilâmu iop.

¹ Ya pesuk sâmu yanâk anelo âlâ himbimâmbâ gemu ekban. Anelo yaŋe gem puaia, yakât kutŋe âlâmâ Satan, ya sâhâwe sâm tâk kârikŋe mem giop. Tâk kârikŋe miakmâek hem nâpumângen kionop. ²⁻³ Kionmâ ge Satan kum sâhâm pilâmu yambu 1000 yakât biwiŋan im ariop. Im arimu yambu 1000 ya pesuk sâmu holanmu gamâmâ sâp tâlâwâk biwiŋan lohimbi kâityongop.

⁴⁻⁶ Kulem ya pesuk sâmu kulem âlâ yuwu tetemu ekban. Anitâhât gotŋan lohimbi dondâŋe menduhuakmâ kinjetâ yekban. Yâkŋeâmâ lohimbi meyekmâ den âiân katyekmâ sâm hâreyiŋŋetgât Anitâŋe âi ya sâm yinŋiop. Komot ya yengât topŋeâmâ yuwu. Yâkŋe angoân Anitâhât den ya tâŋ tâŋâk lâum manbi. Yawu manmâ Yesu ki betguwi. Me lok bâlenjaŋe sonjo sâtŋe metŋe otmu ikŋe umutŋe hâwim katbi ya yetgât ki nâŋgâyitgim mepaeyelekbi. Me yâkât kulem towatŋe ya meteyenjan me bâtyenjan ki katŋetâ talop. Yawu otmâ betyitgim manjetâ

yakât yâk yetgât hoŋ bawalipyetŋe kasa otyiŋgim enŋatyene hâreŋetâ muwi. Otmu yâkŋe aŋgoân mumuŋambâ yahatmâ Yesu Kiristohâlen torokatmâ yâkât komot galemyongom tepyeŋe herone otmu manŋetâ yambu 1000 olop. Yâhâ aŋgoân yahatbi yaŋeâmâ Anitâ yet Yesu Kiristo yâk hoŋ bayitgim mepaeyelekmâ Yesu orop tatmâ yambu 1000 ya torokatmâ manmâ yâkât komot galemyongom manbi. Otmu yakât kakŋan himbimân manman kârikŋahât pat otbi yakât otmâ hiliwahom hem nâpumŋan ki gewi. Yambu 1000 ya pesuk sâmu lohimbi nombotŋe âlâŋe mumuŋambâ yahatbi.

Yambu 1000 pesuk sâmu Satanŋe yâhâpŋe tetem lohimbi kâityongop.

⁷ Yambu 1000 pesuk sâmu yakât kakŋan aŋelo âlâŋe hem pato ya nâpum kurumbu yakât kâlehen kionmâ ge Satan mem holaŋop. ⁸ Mem holaŋmu yapâ yahatmâ gamâmâ lohimbi nombotŋe hânŋan kulemŋan manmâ Yesuhât hâkâŋ otbi ya kâityongomu lohotŋe otŋetâ yan dâiyekmâ manop. Yawu otmâmâ kâsipyongomu komot yâhâp otbi. Âlâ, kutŋe Goho sâm, âlâmâ kutŋe Mahoho sâm, yâk kerekŋe Yesuhât hâkâŋ otmâ manbi. Yâkŋe menduhuakŋetâ dopyeŋe saru ginŋan sak ekmain yakât dop. Ya sâlipyongonomgât dop âlâ ki otbuap. ⁹ Yaŋe menduhuakmâ taka Anitâŋe ikŋe lohimbi wawaeyehop ya kerek hilipyongone sâm hawamyongowi. Hawamyongom kinŋetâ Anitâŋe sâmu yan himbimâmbâ kâlâp punduŋ sâm ge sem gâwu gâwu tuhuyehop. ¹⁰ Kâlâpŋe sem meteyekmu pesuk sâmu Anitâŋe amboyene Satan ya mem hem

nâpum kâlehen pilâmu giop. Otmu sonjo sâtne metne otmu hon bawanje mâmâne otbanjimu den perâkne sâm kâityongop ya yâhâp yâhâp emelâk pilâyelekmu giowot ya yetgâlen gem torokatmu kâlâpne seyekmu hâhiwin pato nângâwi. Otmu hâhiwin ya pesuk sâyingiwuapgât dop âlâ ki tap. Hâhiwin dondânan manmâ yâhâmbisâi.

Anitâne lohimbi kerekne otbi mewi yakât den sâmbâ hâreyingiop.

¹¹ Kulem ya pesuk sâmu âlâ yuwu tetemu ekban. Anitâne kaknan tatat kaok bolan bolan yan ge tatmu ekban. Ge tatmu yan hân himbim dâiakmâ pilahowot. ¹²⁻¹³ Otmu lohimbi in muñetâ kurihiyekbi, me sarune neyehop, me girawu girawu tuhuyekmu muwi, lok geheje me lok kutyene orop, ya kerehâk mumuñambâ yahatmâ yâkât gotnan kinnetâ yekban. Kinnetâ Anitâne pepa topne topne ya mem mewalakum lohimbi golâ manbiân yan otbi mewi yakât topne kulemgumu tatmap yapâ ekmâ mem sâlikuop. Otmu Anitâ iknjak pepa ya mem sâlikumâmâ otbi mewi ya yengât topyene ekmâ âlâku iknjiâk iknjiâk den âiân katyekmâ matne yingiop. ¹⁴ Otmu lohimbi nombotne hem kâlâpgât pat otbine yan gem torokatmâ sâp kâlep manmâ yâhânomai. Yâkne âlâ holarakmâ hâk sânduhân mannomaihât dop âlâ ki tap ¹⁵ Yâhâ Anitâne ikne pat kuyingiop ya yengât kutyene kulemgumu tatmap yanjeâmâ yâhâpne yakât kaknan hiliwahonomaihât dop âlâ ki tap. Yanjeâmâ manman kârikne yakât kapiân ari tatmâ herone kaknan manmâ yâhâmbisâi.

21

Anitâņe sâmu hân himbim anġo teteowot.

¹ Ya pesuk sâmu hân himbim hânġiņe ya Anitâņe sâmu bialop. Otmu yâhâpņe sâmu hân himbim âiņe tetemu ekban. ² Otmu Anitâņe kapi âiņe tuhuop, kutņe “Yerusalem Anġo” sâmu yaņe himbimâmbâ gemu ekban. Kapi ya ek-mune âlâ kândâkdâ olop. Otmu nenņe imbi miakne sâmu otmâ meņâleakmain yakât dopņeâk kapi ambolipņe meņâleakbi. ³ Otmu anġelo âlâņe yuwu sâmu nânġâwan. “Kutdânenņe Anitâņe lohimbim orop haonġmâ ârândânġ tatmâ tihityeņe otmâ yâhâwuap. Yawu otmâ yâk orop biwi nânġân nânġânyeņe hikuakmâ konohâk otmu manmâ yâhâmbisâi. ⁴ Yawu manņetâ yâkņe sâmu umatņe topņe topņe yâhâpņe ki teteyiņġiwuap. Me hâhiwin nânġâm ki torokatmâ mannomai. Me ki mum kou kendâm ahonomai. Me yâhâpņe ġilâp âlâ ki iseanġinomai. Wawaeyekmâ hâk sânduk yinġimu tep âlep nânġâm heronġ maronġ kakņan manmâ yâhânomai.” Yawu sâop.

⁵ Yawu sâmu Anitâ Kutdânenņe yuwu sâmu nânġâwan. “Sâmune emelâk âliwahap kerek biatsai. Yakât otmâ anġo kândikyongowoman. Den yan yu bulânġanâk. Yakât otmâ yeņe nânġâm biwiyeņan katmâ manņetâ biwiyeņe ki ġewuap. Yawuhât den yan yu kulemgum katdâ talâk. ⁶ Nâņe embânġâmbâek hân himbim ki kândikyotgowan yapâek tatmâ gan. Niniâk kârikņeâk tatmâ gan. Otmu tatmâ yâhâwom. Âlâlâhât topņeâmâ nâ. Otmu nâhât sâtġât teteopġât nâhât sâtġât biatsap. ⁷ Lohimbim nombotņe nâhâlen torokatmâ

ki lohotŋe otbiŋe manman kârikŋahât to nene sâm otŋetâmâ âlepŋe nâŋe torokatmâ hâmeŋe barak yinŋimune nem yâhânomai. Otmu lok âlâ me âlâŋe nâhâlen biwiyenŋe kepeim mannomai ya yengât nâŋe nine nanne baratne bulâŋe sâm meyekbom. ⁸ Yawu gârâmâ lok bâleŋe yengât topyene yuwu. Bukulipyenŋe nâŋgâm bâleyinŋimâihât lohimbi nombotŋe nâhât den pilâm hâkyeŋe ihiwe ihiwe otmu dâiakmâ hurunduŋ sâm ariwi. Yâhâ nombotŋeâmâ biwi nâŋgân nâŋgânyenŋe nâhâlen kepeim ki manŋetgât ihilâk tuhuyekbi. Nombotŋe den perâkŋe sâm kâirahowi. Me den miangiwi. Me den gurukŋe sahaŋgiwi. Yâhâ nombotŋe kâwâ konda otmâ manbi. Me imbilipyenŋe betyenehen kionbi. Me loklipyenŋe betyenehen kionbi. Yâhâ nombotŋeâmâ karasuŋa, me lok yengât sait, me hawat topŋe topŋe meminiwi. Yâhâ nombotŋe âlâŋeâmâ Porom Lâpio topŋe topŋe tuhumm kânâŋgâŋetâ kinmu yakât nâŋgâŋetâ bulâŋe otmu yâkâlen biwiyenŋe kepeim manbi. Lok yawuyenŋe hem nâpum kâlehen geŋetâ kâlâpŋe seyekmu hâhiwin kakŋan manmâ yâhâmbisâi. Yawuhât yâhâpŋe yapâ holaŋakmâ yahatmâ âi ya torokatmâ tuhunomaihât dop âlâ ki tap. Den yan yu bulâŋanâk.” Yawu sâop.

Kapi âiŋe, kutŋe “Yerusalem Anŋo” sâm, ya teteop yakât topŋe.

⁹ Otmu aŋelo nombolân yâhâp lohimbi hilipyongowi yakât kondo ya mewî yâk yengâlen gâtŋe âlâŋe yuwu sâm eknohop. “Garâ Lama Nanŋe yâkât pat sâsâŋe ya tiripgohomune ek.” Yawu sâop.

10 Yawu sâmu Wâtgât mâmâñahât Heakñe biwine mem purik pilâmu anjelo yañe menekmu pumñe pato âlâen yâhâwit. Yan yâhâ kinmune, Anitâhât kapi âiñe, kutñe Yerusalem Anjo, ya himbimâmbâ gemu ekban. Kapi ya ambolipñe Lama Nanñahâlen torokatne sâm menñaleakmâ gewi. 11 Otmu yan Anitâhât lanñinñe pato haonmâ ârândânñ sem kinmap. Sem kinmu yan kapi yañe kaok tembañ tembañ olop. 12 Otmu kapi yamâ dâmân kâlep pato yañe kâlehen talop. Otmu yakât gahatñe kâiân yâhâp tap. Yâhâ anjelo kâiân yâhâp yañeâmâ gahatñe yakât âlâku kândâk kândâk galem gum kinbi. Otmu Isirae lohimbi komot kâiân yâhâp yâk yengât kutyeneâmâ gahatñan ikñiâk ikñiâk kulemgunetâ tatmap. 13 Otmu kapi yakât dâmân tuhum hawamguwi yakât gahatñe yamâ ârândânñâk kalimbu kalimbu yawu katñetâ talop. Gahatñe yamâ betñehen kalimbu, otmu dâtâpñehen kalimbu, otmu ginñehen kalimbu, yawuâk yawuâk ya katñetâ tatmu ekban. 14 Otmu dâmân ya honñ honñ sâmap sâm kâtñak mem topñan kum kuratgum tâtâkuwi. Kâtñe kum kuratguwi yanâmâ aposolo kâiân yâhâp yâk yengât kutyene ya ikñiâk ikñiâk kulemgum katñetâ tatmap.

15 Anjelo yañe kapam dop tuhu tuhu âlâ goliñak tuhuwi ya mem Yerusalem kapi anjo yakât dop kuop. 16 Yâhâ kapi yakât dopñeâmâ âlâhât tipinje. Yakât otmâ yakât ginñe ârândânñâk yakât dop yamâ 2500 kilomita yakât dop. Yâhâ yapâ topñe katmâ ewaken hanñan upu lato yâhâop yamâ 2500 kilomita yakât dop. Nombot nombot yawuâk kerek. 17 Yâhâ yakât dâmânñeâmâ bapñan bapñan dopñe

64 mita yawu. ¹⁸ Dâmân yamâ kât âlâ, kutje Yasipa sâmb, kaok munjen munjen yaŋe tuhuop. Kapi yamâ goliŋak pato tuhuop ya laŋinŋe pato pilâm imap. ¹⁹ Yâhâ dâmân yakât topŋan kâtŋak kum kuratguwi yakât topŋe yuwu. Anŋoân kuratguwi yakât kât kârîkŋe kaok munjen munjen, yakât kutje Yasipa. Yâhâ yâhâpŋe kât âlâ golâ golâ, kutje Sapaia. Yâhâ kalimbunje kât âlâ kaok kâtâp metâp, kutje Ahet. Yâhâ imbâtŋe kât âlâ golâ golâ, kutje Emerali. ²⁰ Yâhâ momenje yamâ kât kuriŋ kâiâk mâiâk, kutje Onikisi. Yâhâ yakât betŋan kât âlâ kuriŋ kuriŋâk, kutje Konilian. Yakât betŋanâmâ kât âlâ gimban munjen munjen, kutje Kirisolait. Yâhâ yakât betŋanâmâ golâ kâiak mâiak, kutje Bereli. Yakât betŋanâmâ gimban tekop tekop, kutje Topasi. Yakât betŋanâmâ golâ otmu ŋaon kâtâp metâp, kutje Kirisopasi. Yakât betŋanâmâ âlâmâ ŋaon ŋaon, kutje Haiasin. Yâhâ bâiŋe yamâ kuriŋ kuriŋâk, kutje Ametisi. ²¹ Otmu gahatŋe kâiân yâhâp yamâ emet âli âliŋe yamâ pitiŋa hâkŋe kândâkdâek yaŋe tuhuop. Yâhâ kapi yakât mâtâp yâhâm gem otmai yamâ goliŋak tuhuwi yamâ laŋinŋe orowâk belek belehâk yawuya.

²² Anitâhât kapi pato yamâ ikŋe kai sombem yan Lama Nanŋait tatmawot. Yakât otmâmâ yan opon kâmbukŋe âlâ ki tuhuŋetâ tap. ²³ Yanâmâ Anitâhât laŋinŋaŋe irik irik sâmb pilâm laŋ laŋ sâmap. Nenŋe lambe mem saum katmunŋe laŋinŋe pilâmap dop yawuya bia, ya waŋgim dop âlâ otmap. Otmu Lama Nanŋe ikŋe laŋinŋaŋe pilâmu laŋ laŋ sâmap. Yakât otmâmâ sikop me omongât emetsenŋe laŋinyetŋe ki pilawot.

24 Yanâmâ kapi ambolipņe yâkņe yan yâhâm gem heroņe maroņe otmâ Anitâ yet Lama Nanņe mepaeyelekmâ manmâ yâhâmbisâi. 25-26 Kapi yanâmâ laņinņe pato yaņe pilâmu laņ laņ sâmbâi loņgo loņgo otmâ imu yakât kâlehen omoņ me, me kâtâp metâp, me yuwu yawu âlâ ki tatbuap. Yakât otmâ gahatņe ki maņgunomai. Inâk aņ sâmbâi kinmu yan lohimbiņe yâhâm gem Anitâ yet Lama Nanņe mepaeyelekmâ hoņ bayitgim manmâ yâhâmbisâi. 27 Yakât otmâ lohimbi orotmeme bâleņe otmâ manbi ya orowâk ki tatnomai. Yâhâ den perâkņe sâminiwi ya gurâ yawuâk yan ki mannomai. Emelâk Lama Nanņe ikņe pat ya kuyiņgim pepa âlâ mem kutyeņe kulempuop lohimbi yaņak kâlehen yâhâm genomai.

22

Manman kârikņe yakât topņe

1 Otmu aņelo yaņe manman kârikņahât to senņe âi loņgo loņgo gam gemap yakât kakņan gilik belek sâmbâi imap ya tiripnohomu ekban. To senņeâmâ Anitâ yet Lama Nanņe yâk yetgâlen tap. 2 Yapâ hindakmâ gem huhum liņgarakmâ kapiân sombem ya ârândâņ otmâ imap. Yawu otmâ imu manman kârikņahât nak yaņe to ya hâlâņmâ nombot nombot kinmâ arap. Nak yakât kehetņe yaņeâmâ haoņmâ emetsenņe ârândâņ bonņe âi loņgo loņgo imu nem yâhâpņe ki hiliwahonomai. Yâhâ esenņe nem hâk sânduhân mannomai. Neņetâ yan mesek me umatņe topņe topņe ya ki teteyiņgiwuap. 3 Otmu kapi yanâmâ Anitâhât kasalipņeâmâ ki ganomai.

Anitâ yet Lama Nanŋe yâk yetgât kaweyetŋe yan tatmu lohimbi kerekŋe mepaeyelekmâ hoŋ bayit-gim manmâ yâhâmbisâi. ⁴ Yâhâ lohimbi kerekŋe Kutdâyenjahât senŋan manŋetâ ikŋe kutŋaŋeâmâ yâk yengât meteyenŋan kulemgumu tatbuap. ⁵ Yâhâ Anitâ ikŋahâmâ yâk yengât laŋinŋe pato otmâ yâhâwuap. Yakât otmâmâ sikop yaŋe ki pilâwuap. Yanâmâ yâhâpŋe omoŋ âlâ ki tetewuap. Yakât otmâ lambe ki miakmâ mannomai yamâ Anitâhât laŋinŋan tatmâ yâhânomaihât torokatmâ hâk sânduhânâk mannomai.

Bulâŋanâk Yesuŋe yâhâpŋe âwurem gewuap.

⁶ Yâhâ ya pesuk sâmu yakât kakŋan aŋelo yaŋe den yuwu sâm eknohop. “Den yan yuâmâ bulâŋe gâŋgâŋâk miap. Emelâk Anitâŋe Wâtgât mâmâjahât Heak hâŋgâŋgumu poropete yengâlen tetem yâkât den sâm tetem ekyongop. Dop yawuâk Anitâŋe nâ hâŋgânnohomu âlâlâ topŋe topŋe tetewuap yakât tiripgohomune eksat.” Yawu sâop.

⁷ Yawu gârâmâ emelâhâmâ Yesuŋe yuwu sâop. “Nâmâ yengâlen burunduŋâk takawomgât sâp tâlâhuap. Yen pepa yu sâlikum den yan yu lâum mannomai yanâmâ âlepŋe. Den yan yukât bulâŋe yengâlen tetewuap.” Yawu sâm eknohop.

⁸ Yâhâ nâ den kulemguan yu emelâk nâŋgâwan. Otmu âlâlâ tetewuap ya gurâ ekban. Aŋeloŋe yu me ya tetewuap ya tiripnohopgât yâkât gotŋan bam mepaewe sâm otban. ⁹ Yawu otmuneâmâ yuwu sâm eknohop. “Kâmbuk, pilânek. Nâ gurâ gike yuwuya. Nerâmâ Anitâhât hoŋ bawa. Gâ otmu gâhât bukulipge nombotŋe yeŋe Anitâhât

den sâm tetem ekyongom mansai. Otmu nâ gurâ yeŋe oai yawuâk otmâ mansan. Lohimbi nombotŋe pepa yu sâlikum ekmâmâ Anitâhât den lâum manmâ hoŋ bawaŋginomai. Otmu nâ gurâ yawuâk hoŋ bawaŋgiwom. Yakât otmâ yen me nâ yamâ Anitâ otmu Yesu yâk yetgâlâk nâŋgâm mepaem yâhânôm.

¹⁰ Otmu den yukât bonŋe tetewuap yakât sâp tâlâhuap. Yakât otmâ gâmâ Anitâhât den yuâmâ pepaen kulemgum katmâ yan ki mem kurihiwuat. Tetekŋan lohimbi senyeŋan sâm mem mewalakum tiripyongowuat. ¹¹ Otmu Lama Nanŋe burunduŋâk takawuap yakât sâpŋe utâpguap. Gârâmâ lohimbi nombotŋe orotmeme bâleŋe otmâ manmaiŋe torokatmâ otmâ yâhânomai. Yâhâ lohimbi nombotŋeâmâ orotmeme âlepŋe otmâ Anitâhât tem lâuwawŋim manmai yaŋeâmâ yawuâk otmâ manmâ yâhânomai.” Yawu sâop.

¹² Yawu sâm tiŋ pilâmu Yesuŋe yuwu sâm eknohop. “Nâ yuwu sâmune nâŋgâ. Sâp ki kâlep otmuâk âwurem gewom. Nâŋe lohimbiŋe otbi mewi yakât matŋe mem kâpekâmâ âlâku amboŋan amboŋan yinŋimune menomai. ¹³ Nâmâ Anitâŋe hân himbim ki kândikyotgop yapâek tatmâ gan. Otmu tatmâ yâhâwom. Otmu nâmâ âlâhât amboŋe. Wahap yu me ya hânân yuân katyekban ya kerehâk nâŋgâm meteyeksan.

¹⁴ Nâmâ lohimbi yeŋgât kunyeŋe pato. Lohimbiŋe nâhâlen biwiyeŋaŋe kepeim manmâ gai yâkŋe Anitâhât kapi ya ambokunomaihât pat kuyinŋiwan yamâ âlepŋe ambokum mannomai.

Otmu nâñe manman kârikñahât sot yingimune menomai yan ârândânâk nem torokatmâ mannomai. ¹⁵ Yawu gârâmâ lohimbi nombotñe Anitâhât hâkân otmâ mansai, me senñe âlâlâ ihilâk mahilâk gulip malap otmâ torokatmâ manmâ gai, me lohimbi nombotñe kasa otyingim yongom manmâ gai, me nombotñe hânân âlâlâ Porom Lâpio topñe topñe yakât nângâñetâ bulâñe otmu yâk yengâlen biwi nângân nângânyenâñe kepeim manmâ gai, me manman bâleñe yakât mâtâwân torokatmâ otmâ manmâ gai, me den perâkñe sâm kâirahom kombo mianjim gai, me den mem manmâ gai, yamâ Anitâñe dâiyekmâ ikñan katyekbuapgât dop âlâ ki tap. Yâhâmâ dâmân yaehen tatmâ hâhiwin nângâmbisâi. Yawu.

¹⁶ Nâ ahonakmune nângâ. Nâmâ Yesu. Nâmâ Dawitihât sen. Nâmâ pitu kâmñe pato emet ki orotok sâmuâk tetemap nâmâ yakât dop. Nâhât sâtgât añelo ya gem den ya sâm ekgohoap. Yawu gârâmâ gâñe den ya nângâm nâhât komot ya sâm tetem ekyongowuat.” Yawu sâop.

¹⁷ Yawu gârâmâ Yesuhât pat manmai ya Yesuñe getek ge menenehâkgât biwiyenâñe kilik kilik sâmu Yesuhât mambotmâ mansai. Otmu yen nombotñe ekap yu ekmâ sâlikunomai yan yenâmâ getek teteâhâk yawu nângâñet. Otmu getehâk tetem gewomap yakât otmâ yen nombotñe manman kârikñahât tohât biwiyeñe kilik kilik sâmap yenâmâ in yawu biwiyenâñe Yesuhâlen katñet. Yawu otnomai yanâmâ Yesuñe tep âlep nângâyingim meyekmu yâk orop manman sânduhân torokatmâ manmâ yâhânomai.

¹⁸ Nâñe den yu bulâñe tetewuap yakât yu tâñ

tâjâk ekmâ nângâm kulemguan. Yawu gârâmâ lok âlâ me âlânje den yu tatmu ya wangim yeje nângân nângânyenje watmâ den âlâ torokatmâ sânomai yañeâmâ hâmbâi matje umatje menomai. ¹⁹ Yâhâ lok âlâ me âlânje den yu nângâñetâ tâjât otmu mem ge katmâ yeje ñgatyeñeâk den âlâ torokatmâ sânomai ya gurâ matje umatje menomai. An-itânje ikje kapi âilonjo yakât pat kuyiñgiop ya bâtyeñan hindâwuap. Otmu ikje kapiân yâhâ manman kârikñahât nak kehetje nenomaihât mâtâp mañguyiñgiwuap. Yawu teteyiñgimapgât girem den yan yu nângâm biwiyeñan katmâ manmâ yâhânomai.

²⁰ Otmu Yesuje den yukât bulânje oap yakât ikñak yuwu sâop. “Nâ ninak sâmune nângâñet. Nâmâ burunduñâk takawomgât sâp utâpguap.” Yesu ikñak yawu sâop. Otmu den sâop yakât bulânje teteâkgât nañgan. Getehâk tetem giâkgât nañgan. Yesu Kutdânenne gâ hoñâk taka.

²¹ Otmu Yesuje dikin kârikin otningimu yakât amutgen nelâm manne. Bâiñ. Pesuk yap. Yawu.

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 22 Feb 2024 from source files dated 31 Aug 2023

995083d2-705e-5a60-af47-1e36806cccbc